

續錄

家禮源流
壬





家禮源流續錄目錄

卷之一



天子諸侯冠禮

天子諸侯昏禮

國喪

正終

復

舍

銘

歛

冊禮吉服

祠于先王

君喪服

人君行喪

附諒闇

遺詔短喪

以日易月

喪無二嫡

緒統執喪

論居喪吉禮

越紼祭天地

君吊大夫喪

附遣使吊

棨

君為臣服

君哭

受外國吊

諸侯相棨

附賵

國恤與人書

國恤不敢受吊

謚法

諱法

濮議

公族

山陵

國葬

改葬

碑

天子諸侯祭禮

吉禘後祔

供齋盛

附犧牲

卷之二

天地之祭

明堂 附方明

社稷

風師

山川 附旅祭 城隍

祈雨

雩

蜡

五祀

厲

儺

神祠 附淫祠

聖賢 附釋菜

宗廟 附原廟 昭穆 同

原廟

昭穆

桃遷 附毀廟

櫛拾

追王 附上祀先公

三后并配

先代帝王陵寢

附祭國之主

追廢先后

附還復廢后

宗法

天子之禮

尊號

聖節 國忌

世子誕降

天子車服

朝廷之儀

冊命

巡守

覲禮

擯相之禮

聘享之禮

附圭

家禮源流續錄卷之一

天子諸侯冠禮

家語

孔子曰天子冠者武王崩成王年十三而嗣立

周公攝政明年夏既葬冠成王而朝于祖以見諸侯
示有君也○又曰雖天子之元子猶士也天下無生
而貴者也○又曰諸侯之有冠禮夏之末造也

玉藻

玄冠朱組纓天子之冠也緇布冠續綏諸侯之

冠也

大戴禮

有公冠篇加元冕為四加

左傳

魯公十二而冠○歲星為年紀十二而周於

天

天道備故人君子十二可以冠自夏殷天子皆

十二而冠○程子曰雖天子諸侯必二
十而冠○荀子曰天子諸侯十九而冠

補

家語孟懿子問天子未冠即位長亦冠乎孔子

曰王世子雖幼其即位則尊為人君人君治成人

之事者何冠之有○周公冠成王而命祝作頌曰

使王近於民心得民也遠於年壽長畜於時不奪民時惠於財

親賢任能其頌曰令月吉日王始加元服去王幼

志服袞職欽若昊天六合是率爾祖考永永無極

○諸侯之冠異天子與怪天子無冠禮如孔子曰

君薨而世子主喪是冠也主喪已重於仕與人君

無所殊

通

周氏曰自夏以降不特諸侯有冠禮而已

華

天子之元子諸侯之世子皆用士之冠禮果

元子世子之年未及冠而天子崩國君薨則元子世子亦有君道而復用士禮可乎

天子諸侯昏禮

昏義

古者天子后立六宮三夫人九嬪二十七世婦

八十一御妻以聽天下之內治以明章婦順故天下

內和而家理天子立六官三公九卿二十七大夫八

十一元士以聽天下之外治以明章天下之男教故

外和而國治故曰天子聽男教后聽女順天子理陽

道后治陰德天子聽外治后聽內職教順成俗外內

和順國家理治此之謂盛德是故男教不脩陽事不

得適責見現於天日為之食婦順不修陰事不得適

見於天月為之食是故日食則天子素服而脩六官

之職蕩

滌其穢惡

天下之陽事月食則后素服而脩六官

之職蕩天下之陰事故天子之與后猶日之與月陰

之與陽相湏而后成者也天子脩男教父道也后脩

女順母道也故曰天子之與后猶父之與母也故為

天王服斬衰服父之義也為后服齊衰服母之義也

祭統

曰既內自盡又外求助昏禮是也故國君取夫

人之辭曰請君之王女與寡人共有敝邑事宗廟社

稷此求助之本也

也娶九女天子諸侯一娶九女何重國家廣繼嗣

也娶九女亦足以承君之施也九而無子百亦無

蓋也或曰天子娶十二女法天有十二月萬物必

生也必一娶何防淫佚也為其棄德嗜色故一娶

而已入君無再娶之儀也備姪婦從者為其不相

嫉妬也一人有子三人共之若已有之也不娶兩

婦何傳異氣也娶三國女何異類也恐一國血脉

相似俱無子也姪年雖少猶從適人者明人君

無再娶之義還待年於父母之國未任答君子也

○唯哀姜以禪中納幣則重疊譏之聖人欲顯其

居喪納幣之罪故書婦姜便成之為婦也其意言

雖至四年方送女其實與喪昏同也遺書○又曰

仲子是惠公再娶之夫人諸侯無再娶理故只書

惠公仲子不書夫人也又曰大夫以上無再娶理

大夫以下有不得已再娶者○又曰送夫人是國

之重事使卿送亦無妨先儒說親送甚可笑如秦

君娶於楚豈可越國親迎耶所謂親迎者迎於館

耳文王迎於渭亦不是出疆遺書○○曰左傳

云國君十五而生子是人君早娶所以重繼嗣也

補

哀公問人道孔子曰大婚為大大婚既至

冕而親迎公曰冕而親迎不已重乎孔子對曰合

二姓之好以繼先聖之後以為天下宗廟社稷之

主君何謂已重為天地不合萬物不生大婚萬世

之嗣也內以治宗廟之禮足以配天地之神

泰

紀履緌來迎女

非正也以國氏者為其來二

父接於我故君子進之○王親迎之時乃謂公子未為君也

曰文○隱公三年

夏逢婦姜于齊

母家之稱也往而稱婦入國

不書至何哉禪制未終思急事是不志哀而居

約矣方逢也而已成婦未至也而如在國中原其
意而誅之也○
也
不稱夫人不可為小君奉宗廟也
婦
○劉夏逢

王后于齊也昏姻人倫之本王后天下之母劉夏土

之毋矣然則何卿
送公監之禮也

齊女傳
齊孝公夫人孟姬華氏長女也齊國稱其貞孝公聞之脩禮親迎于華氏之室父母送

之不下堂母醮之房中父戒之東階之上諸母戒之兩階之間姑姊妹戒之門內可謂能行禮母

美○程子曰大夫以上至諸侯天子自有嬪妃可以供祀禮所以不許再娶也又曰王姬下嫁

則同姓諸侯為主如送王后則無使諸侯為主之理遺書○宋子曰親迎之禮古者天子無親

至后家之禮語類

國喪

檀弓

唯天子之喪有別姓而哭諸侯朝覲爵同則位

從姓異姓庶姓使各相為位以哭也

喪大記

君之喪子大夫公子眾士皆三日不食○既

正尸子坐于東方卿大夫父兄子姓子所生謂也立于

東方有司庶士哭于堂下北面夫人坐于西方内命

婦姑姊妹子姓女孫立于西方外命婦卿大夫妻率外宗姑姊妹之

哭于堂上北面○君喪虞人出木角角也出木為

薪以供爨出壺主挈壺漏水之器故出壺也

雍人出主烹飪司馬縣之司馬自臨乃官代哭為其

不食疲倦故以漏器分時刻使官屬以此依時相代而哭聲不絕

朱子曰路門外有鼓謂之路鼓王崩則擊此鼓以宣傳四方語類

補喪大記 鼓人大喪則詔大僕鼓○虎賁氏守王

門非常之難○旅賁氏襄葛執戈盾葛經武士尚輕○疏臣

為王貴賤皆斬襄斬襄麻經至奠乃服○大司徒葛今王始死即服葛故云武士尚輕

致萬民於王門令無節者不行於天下○司險藩

塞阻路而止行者閉塞要害之道備茲寇也○天子崩巷市七

日諸侯薨巷市三日疏曰若屋天子諸侯之喪必巷市者以庶人憂感無求利

要有急須之物不得不求故於邑里之內而為巷市

曲禮天子崩告喪曰天王登遐言其所升高遠猶漢書稱大行

正終

檀弓扶君卜人師扶右射人師扶左君薨以是舉人

平日贊正服位之人故君既薨遇遷尸仍用此

喪大記 君夫人卒於路寢

程子曰人君終于路寢見卿

大夫而終乃正終也經說

補左傳莊公三十二年八月癸亥哀公薨于路

寢路寢正寢也寢疾居正寢正也○治氏曰春

秋書人君以在寢在朝之正服位而後君者扶

持之薨則外廷之人共治其喪疾則外廷之人

共知其疾所以防微杜漸致

謹於疾病之際以正死道也

復

曲禮

天王崩復曰天子復矣諸侯薨復曰某甫復矣

復稱字臣不名君○郭子問諸侯復曰臯某甫恐

某甫字為可起朱子曰此等不可深考或是諸侯導

故稱字大夫以下皆稱名也

檀弓

君復於小寢大寢小祖大祖庫門四郊

儀禮喪大記王府大喪共復衣裳

疏曰復招魂復魄司復所掌是尋常

衣服王府所掌皆王之美物復衣裳用死者上服故王府共之

○司服大喪共其復

衣服皆掌其陳序

疏曰復衣服謂始死招魂復魄之服雜記云復者升屋其人皆依命

數天子則十二人諸侯九人七人五人

○復有林麓則虞人設階無林

麓則狄人設階

設簣簾或便於此

○小臣

君之近臣復復者朝服

君以卷衾夫人以屈

音闕刻形而不畫翬故曰屈也狄

雜記

諸侯行而死於館則其復如於其國如於道則

升其乘車之左轂以其綏復

綏讀為綏旌去其旒而用之

○復

諸侯以襲衣

始命為諸侯之衣

冕服爵弁服夫人稅象衣揄

搖狄當為

狄稅素沙

白綃也翟與象皆用素沙為裏

含

檀弓 邾婁考公之喪徐君使容居來吊含去聲曰寡君

使容居坐含進侯王徐自擬天子進侯氏以王也○

人親含大夫以上即使人含若歛後至殯葬有來含者親自致璧於柩及殯上者謂之親含若但致命以

辟至授主人主人受之謂之不親含也

喪大記 天子飯九貝貝水物古者以為貨諸侯七周禮天子飯用玉此蓋異

代之制乎

雜記 含者執璧將命曰寡君使某含相者入告出曰

孤某湏矣含者入升堂致命子拜稽顙含者坐委于

殯東南有葦席未葬設葦席以承之既葬蒲席降出反位宰夫

朝服即喪屨升自西階西面坐取璧降自西階以乘

此言列國致舍之禮舍王也形如壁分寸大小未聞凡初喪主人不親受使大夫受於殯宮此遭喪已久

故嗣子親受之然後宰夫取而藏之也執玉不麻故朝服喪不可純吉故仍其喪屨以東藏於內也

補周禮 天官玉府大喪共舍玉復衣裳角枕角衾

喪大記 小宰受其舍祔幣玉之事

儀禮 喪大記典瑞大喪共飯玉含玉 飯玉碎玉以雜米也含玉

柱左右顙及 ○舍人喪記共飯米 君用梁

銘

喪服小記 復與書銘自天子達於士其辭一也 疏天子書

銘於大常諸侯以下書於旌旗達於士其辭一也者殷以上質不諱名故臣可以名君歟

補

喪大記

司常大喪共銘旌

禮緯云天子之旌高九尺諸侯七尺按士

喪禮竹杠長三尺則死者以尺易刃天子九尺諸侯七尺旌身亦以尺易刃也

斂

喪大記

君錦冒黼殺綴旁七○小斂於戶內大斂於

阼君以簟席○君將大斂子弁經素弁上加環經即位于序

端東序南頭卿大夫即位于堂

庶楹西北面東上父兄堂

下北面夫人命婦尸西東面外宗房中南面小臣鋪

席商祝鋪絞衿衾衣士盥于盤上士舉遷尸于斂上

卒斂宰告子憑之踊夫人東面亦如之

周禮載用赤璋白璧等斂此豈長策要是周公未思量可觀季孫斯死用玉而孔子歷階言

其不可則是孔子方思量到而周公思量未到也

檀弓

君即位而為柩

蓋柩棺也恭之堅歲一恭之年

一恭示成歲焉君尊雖凶禮亦備預焉

○天子之棺四重平水咒

似革棺被之其厚三寸柩移棺一梓棺二四者皆周

水牛咒牛之革耐濕故以為親身之棺二革合被為一重柩木亦耐濕故次於革梓棺二一為屬一為大

棺四重之棺上下四方悉周也棺束縮二衡橫三

惟櫛不周下有首上有抗席故也棺束束一束之三道束之三道束之三道

中合漢時呼為小要不言何物為之其亦木乎衣之

鑿木置柩然後束以皮每束處必用一柩故云

喪大記君大棺八寸屬燭六寸梓梓四寸外屬大棺最在大

棺內又君裡棺用朱綠朱繒貼棺裡四角用雜金

在屬之內君裡棺用朱綠朱繒貼棺裡四角用雜金

鑄以茲甘反用金釘君蓋用漆蓋板也三衽三束

上檀弓見衽東見雜記諸侯行而死其輅千見有袂反占緇布裳帷素

錦以為屋而行至於廟門不毀牆遂入適所殯唯輅

為說脫於廟門外輅輅載柩之車上覆飾象宮室舊說

四旁所垂下者緇布裳帷者輅下棺外用素錦為小帳

為裳帷以圍繞棺也素錦以為屋者用素錦為小帳

如屋以覆棺之上設此飾乃行也廟門殯宮之門也

輅故脫宮之輅必象宮之輅天子之殯也才官塗用木簣棺龍輅春○殯

輅才官塗用木簣棺龍輅春○殯

車載柩而畫以梓叢木象形加斧于梓上繡覆棺之衣

輅為龍也

四注為屋

補喪大記司服大裘共其飲衣服掌其陳序○天

子七日而殯諸侯五日而殯疏曰天子諸侯位既

既多許其申遂○小祝設熬置銘疏曰熬謂熬穀

故日月緩也

棺旁所以

冊禮吉服

顧命王麻冕黼裳八即位至王釋冕反喪服蘇氏曰此非禮

也使周公在

喪亦奉嗣王見厥祖固不可用為服矣漢唐新主

喪亦奉嗣王見厥祖固不可用為服矣

乙

即位皆行冊禮君臣亦皆吉服蓋易世傳授國之
大事當服其禮而王侯以國為家雖先君之喪猶
以為已私服也五代以來此禮不講則始終之際
殊草草矣大金○**胡氏**春秋傳曰成王方崩未成
服故用麻冕黼裳入受顧命已受命詰諸侯而後
釋冕反喪服者於是成服而宅憂也或以為康王
釋服繼次而即位誤矣○**宋**曰胡文定說不通
想古時這般大事必有箇權宜如借吉之例○又
曰麻冕是祭服顧命用之者以其在廟而凶服不
可入廟故也受冊用之者以其在廟而凶服不可入
故也若朝服則古者人君亮陰三年旬無變服視
朝之禮茅不知冢宰百官各以何服泣事耳後世
人主不免視朝則豈可不酌其輕重而為之權制
乎又况古者天子皮弁素積以日視朝衣冠皆白
不以為嫌則今在喪而白布衣冠恐未為不可但
入大廟則順吉服而小衰耳金○又曰康王事
於禮為祿孔子取之又不知如何設使制禮作樂
當此之職只得除之語類○**黃勉齋**曰嗣君即位
之禮其別有也四有正繼體之子之位始死是也通
室也其別有也四有正繼體之子之位始死是也通

命一人到報誥等事是也。有正改元之位。踰年是也。如春秋元年書即位是也。有正踐阼之禮。三年

喪畢是也。如月正元日。舜格于文祖是也。春秋註

○**葉氏**曰：康王之事，必有不得已而然者，蓋成王

初即位，猶有三監頑民之變，微周公天下未可知。

況不及成王周公者乎？故召公權一時之宜而處

正君臣之分。○**呂氏**曰：除喪而朝廟，固百代正禮

然成湯方沒，伊尹遷偕侯甸，群后以訓太甲，禮固

有時而變也。說者不疑太甲乃殷康王過矣。○**復**

○**齊董氏**曰：伊尹祀于先王，乃太甲居仲壬之喪，伊

尹攝政，則祭于湯廟者，伊尹也。援此為證，恐未安。

○**陳傳良**曰：召公畢公見周公，流言之變，故牽諸

侯共立新君，使曉然知所定而無疑。○**新安陳氏**

曰：蘇之論主於守經，葉呂陳氏之論出於達權，朱

子所說不同，未知孰

先孰後，莫若兩存之。

○**補葉氏**曰：天子即位之禮，後世無傳焉。春秋猶

有可考。君薨，世子嗣位，於喪次殯而未葬，葬而

未踰年者，不敢死其君，故不敢踐其正位，不敢

朝廟而主祭，封內三年，緇子緣臣民之心，不可

一日無君則不得已而嗣位緣始終之義一年
不可以兩君則猶不敢當君位故必至明年而
後朝廟正君位改元春秋始書公即位焉然則
成王始殯而康王即內朝以見諸侯禮歟諸侯
踰年而朝廟即位以吉服乎以凶服乎不可知
也然古者吉凶不同事孔子曰羔裘玄冠不以
吊吉服不可為凶事則凶服不可為吉事亦明
矣若曰三年之喪天下之通喪也繼世以正大
統亦天下之大義也通喪上下之所同而大義
天子諸侯之所獨故不以通喪齊大義而吉凶
不可相亂則以冕服朝諸侯以為常禮則不可
以為非禮亦不可傳及後世卒不能棄康王之
為然後知二書之錄於經非孔子
不能權之於道以盡萬世之變也

祠于先王

伊尹祠于先王奉嗣王祗見厥祖百官總已以聽冢

宰伊訓

曾子問孔子曰吾聞諸老聃貪曰天子崩國君薨則

祝取群廟之主而藏諸祖廟禮也卒哭成事而后主

各反其廟崩薨而群主皆聚祖廟以喪三年

問是時湯方在殯宮太甲於朝夕奠常在如何伊尹曰祠而見之朱子曰此與顧命冕服事同意者

古人自有一件人君居喪之禮但今不存無以考據語類

補陳氏曰祀祭也先王商先祖也喪三年不祭

不以凶服入廟故太甲不親祠而尹攝祠胡氏春秋傳謂即位者告廟臨群臣是也

君喪服

喪服傳斬衰三年諸侯為天子○傳曰天子至尊也

○君○傳曰君至尊也○齋衰三月庶人為國君

司馬公曰仁宗崩有司用乾興故事群臣布四脚

加冠於是時莫識其制以幅巾冪首破其後為四

脚○宋子君臣服議淳熙丁未太上皇帝上仙遺

誥至州縣有司莫識衣冠制度大率盡用合式斬

衰之服及被禮部所下符則只當用布四脚直領

布襴衫麻經而已此符當與遺誥同日俱下乃遲

數日惑誤四方而於布四脚之下註云係襴頭於

直領布襴下註云上領不盤則雖間有舉哀稍緩

之處官吏傳觀亦多不曉四脚襴頭之說予記溫

公書儀及后山所記頗詳乃周武帝所制用布一

方幅以前兩脚綴兩大帶後兩脚綴兩小帶覆頂四

垂目以前邊抹額而繫大帶於腦後復收後脚而

繫小帶於髻前以代古冠亦名襴頭亦名折上巾

其後乃以叅紗為之而專謂之襴頭其實本一物

也今禮官以襴頭解四脚是矣而又肯詳言其

制則未知其若周武之所製者耶抑將以紙為胎

使之植立亦若今之叅紗所為者耶至於直領布

襴衫上領不盤之說則衆尤莫曉蓋既曰直領則

非上領既曰上領則不容不盤兩言自相抵牾有

非為之說者曰雖為上領而不盤而不自相抵牾

非為之說者曰雖為上領而不盤而不自相抵牾

曲之勢以就正圓但以長布直縫使足以適項而
已予謂禮官之意或是如此亦不可知但求之古
而無考則亦何敢信從也疑此特生於古今之禮
不同禮官不能分別去取而欲依違其間耳蓋直
領者古禮也其制具於儀禮其像見於三禮圖上
有衣而下有裳者是也上領有襴者今禮也今之
公服上衣下襴相屬而不殊者是也竊意國恤舊
章之本文必有曰直領布衽者又有曰布襴衽者
其服直領布衽則兼服布裙而加冠於首其服布
襴衽則首如四脚而已蓋其初雖合古今之禮而
猶各有所施則亦未為失也今既不察其異矣又
但見公服之上領而有襴遂解直領為上領不盤
而增襴字於衽字之上文若遷今以就古而不自
知其實之反廢古以徇今也又前此州縣誤用之
禮皆著管履而符乃無文承用之者遂履鞅以赴
臨殊乖禮意獨無曰杖云者於禮粗合而亦有所
未盡蓋禮君之喪諸達官之長杖所謂達官在今
則內之省曹寺監長官外之監司郡守若嘗任侍
從以上得專奏事者是也故今不杖之制施於僚
佐以下則得矣至使其長官下而同之雖古相領

即若居家者無異文豈不薄哉又後數日乃得邸
報朝廷冠服制度則云望帝初喪服白羅布黑銀
帶絛鞋白羅軟脚拆上巾成服日服布斜巾四脚
裙袴冠帽竹杖腰經首經直領大袖布欄衫白綾
襯衫視事日去杖首經小祥日改服布四脚直領
布欄衫腰經帶布袴大祥日服素紗軟脚折上巾
淺黃衫黑銀帶群臣之服分為三等上等布頭冠
布斜巾布四脚大袖欄衫裙袴首經腰經竹杖襯
服中等布頭冠蝶頭大袖欄衫裙袴腰經其下等則
布蝶頭欄衫腰經而已詳此帝服有冠有裙而衫
曰直領則是古之喪服當自為一襲者又有四脚
有欄衫則皆當世常服又當別為一襲者而今乃
一之則果如予之所料矣然至於小祥之服則衫
一直領而下不裾宰臣之服則下雖有裙而衫非直
領此又不可曉者其餘亦多重複繆誤如斜巾四
脚冠帽乃四物不當一時並加於首而者皆首服
獨冠為古制斜巾乃民間初喪未成服時所用既
成服則去之蓋古免之遺制也今成服而與冠並
用其失一也四脚之說蓋宇文氏廢古冠而為之
若無存而互用猶不相妨今同時並加其失二也

帽古今皆為燕服與正服之用亦各有所施今與
古冠四脚並用三失也今天子之冠四袂冕通天
幘頭帽子雖皆御服如之何而可並用於一時乎
直領上領古裙今襴亦四物不當一時並加於身
冠當服以終喪不當小祥而釋吉禮小祥改服練
冠但以熟布為之其制不易也今小祥便只服布
四脚不履練冠非是其去巾帽亦不知有何據也
四脚幘頭折上巾三名一物不當錯出而異其名
其曰銀帶絲鞋白綾襯衫者尤非喪禮之所宜服
亦不待辨而知其非矣然此等條目之多欲一一
正之則有不勝正者必循其本而有以大正焉則
曰斬衰三年為父為君如儀禮之說而已其服則
布冠直領大袖布衫加布裹辟領負版掩衽布襯
衫布裙麻腰經麻首經麻帶管屨竹杖自天子至
於庶人不可以貴賤而有增損也但儀禮之冠三梁
乃士禮今天子通天冠二十四梁當準之而去其
半以為十二梁群臣則如其本品進賢冠之數以
為等大本既立然後益考禮經以修殯葬饋奠之
禮參度人情以為居處飲食之節行之天下凡諸
吉凶之禮有詭聖不經如上領胡服之類一切革

去則亦庶乎一王之制而無紛紛之惑矣而前此
議者猶或慮其說之難行雖以元祐之盛時而不
能行范祖禹之論蓋不知自漢以來所以不能復
行君父三年之喪者一則以人主自無孝愛之誠
心而不能力行以率於上二則慮夫臣民之重冠
昏祀享會聚之有期而不欲以是奪之也國家自
祖宗以來三年通喪實行於內而獨所以未敢輕議
民慮者未有所折衷是以依違於此而未敢輕議
此亦慮之過矣夫古之所謂方喪三年者蓋曰比
方於父母之喪云爾豈曰必使天下之人寢苦枕
塊泣血三年真若居父母之喪哉今臣民之服如
前所陳則已有正說矣獨庶人軍吏之貧者則無
責乎其金雖以白紙為冠而但去華盛之飾其亦
可也至於飲食起居之制則可酌古今之宜分別
貴賤親疎之等以為隆殺之節且以婚姻一事言
之則宜自一月之外許軍民三月之外許士吏復
土之後許選人祔廟之後許承議郎以下小祥之
後許朝請大夫以下大祥之後許中大夫以下各
借吉三日其太中大夫以上則並須禫祭然後行
吉禮焉官卑而差遣職事高者從高遷官者從新

貶官者從舊如此則亦不悖於古無害於今庶乎其可行矣○**大全**朱子答余正甫書曰向見孝宗

為高宗既葬猶以白布衣冠視朝此甚盛德破去千載之謬當時有此機會而儒臣禮官不能建明

以為一代之制遂使君服於上而臣除於下因陋踵訛至於去歲則大行在殯而孝宗所服之服亦

不復講深可痛恨○又曰竊謂當如孝宗所制之禮君臣同服而畧為區別以辨上下十一月而服

練以祥二十五月而服襴幘以禫二十七月而服朝服以除朝廷州縣皆用此制燕居許服白綃巾

白涼衫白帶選人小使臣既附除衰而皂中白涼衫青帶以終喪庶人吏卒不服紅紫三年如此縣

絕似亦兄當初喪便當制古喪服以臨別制布幘頭布公服布革帶以朝乃為合禮**大全**○書註朱

子曰儀禮圻內之民為天子齊襄三月圻外之民無服○**語類**問以是觀之自古無通天下為天子

三年之制前輩恐未之考曰今士庶人既無本國之君服又無至尊服則是無君亦不可不示其變

如今涼衫亦不害此亦只存得些影子○**文獻**問後世不封建百姓當為天子何服曰三月天下服

地雖有遠近聞喪雖有先後然亦不過三月（語類）
 ○又曰至尊之服要好初來三日用玄冠服以後
 却用今制四脚幪頭等自京官以上是一等服京
 官以下是一等服士人又一等服庶人又一等服
 如此等級分明也好（語類）○又曰天子之喪自宰
 執以下漸降其服至於四海則盡三月服不問地
 之遠近天子初死近地先聞則盡三月遠地後聞
 亦至於三月之內也（語類）○不知古王畿之內公
 卿之有采地者其民當如何服○又曰君之喪服
 士庶亦可聚哭但其民不可設位某在潭州時亦多有
 民衆欲入衙來哭某初不知外面被門子止納了
 待兩三日方知遂出榜告示亦亦有來哭者（語類）○
 問有官人嫁娶在附廟後（只）
 不可帶花用樂小示其變（語類）

補周禮司服凡喪為天王斬衰為王后齊衰

檀弓天子崩三日祝先服五日官長服七日國中

男女服三月天下服

疏曰服杖也方氏曰五日而後服杖也七日國中男女

服三月天下服言各服其所服之服非謂杖也

服問君為天子三年夫人如外宗之為君也世子

不為天子服

世子有繼世之道不為天子服者遠嫌也

朱

曰孟子答滕文公喪禮不說到細碎上只

說齊疏之服飭粥之食自天子達於庶人這二

項便是大原大本自盡其心喪禮之大本也三

年齊疏飭粥喪禮之大經也孟子生戰國不得

見先王全經然其學得孔氏之正傳識其大者

故其考論制度雖若踈闊而於大本大經之際

則有不可得以亂者矣

○**胡氏**曰位有貴賤而生於父母無以異者故三年之喪自天子達

天子諸侯不降父母妻高曾祖禰為高曾祖後者三

年

適子不降適婦大功

適孫葭婦小功有適子者無適孫

曾孫總適葭玄孫同此說恐誤似當祇服適孫

天子諸侯絕旁期尊同則不降正統之期不降於衆

子絕而無服

君為姑姊妹女子子昆弟之女子子嫁於國君者大

功尊同

兄弟俱作諸侯不杖期尊同故也推此義則世叔父

衆子昆弟之子為諸侯者亦似不降

庾蔚之云天子諸侯服妻之父母妻之父母猶服况

母之父母乎

小記云世子不降妻之父母

譙周云天子諸侯為外祖父母小功

天子諸侯正統旁期不降圖

臣為君服圖天子子后

諸侯為天子斬衰三年

諸侯之夫人為天子期服問云夫人如外宗之為君也註外宗君外親之婦也

天子之女嫁於諸侯為父斬衰為母齊衰

圻內為天子齊衰三月天子圻外之民不服

宗五屬之女嫁於庶人從為國君齊衰三月

諸侯之大夫會見天子者為天子總衰裳七月既葬除之喪服

未嘗會見則無服士不接見無服

世子不為天子服服問

君之母非夫人則羣臣無服唯近臣僕隸乘惟君所服服問

家範通考卷一

諸侯夫人服圖

卿大夫士為諸侯斬衰

大夫之妻為諸侯期

雜記云外宗為君夫人猶內宗也外宗謂姑姊妹之女舅

之女及從母皆是也內宗五屬之女也

鄭玄云大夫之妻於夫人無服

諸侯之女嫁於大夫為父斬衰為母齊衰

小記與諸侯為兄弟雖在異國服斬衰

與諸侯五屬之親皆服斬衰

大夫之適子為君夫人太子如士服不杖期服問

寄公為所寓齊衰三月喪服

大夫致仕者為舊君君之母妻齊衰三月喪服

大夫待放未去者為舊君齊衰三月喪服

大夫在外待放已去者其妻長子為舊國君齊衰三月喪服

庶人為國君齊衰三月喪服兼府吏胥徒言之

仕而未有祿者違而君薨不為服也檀弓

違大夫之諸侯違諸侯之大夫不反服雜記

公卿大夫士服圖

貴臣為公卿大夫斬衰

傳曰室老士貴臣也其餘皆衆臣也注云室老家相士邑宰也

衆臣為公卿大夫布帶繩屨斬衰䟽曰言壓於天子諸侯故降其衆臣而布帶繩屨二事其餘服杖冠經則如常也

士無臣雖有地不得君稱故僕隸等為其喪吊服加麻

臣從君服圖

臣從君而服君之黨君亡則不服

為君之父母妻長子祖父母齊衰不杖期

君之母非夫人羣臣無服唯近臣服

大夫致仕者為君母妻齊衰三月

為王后齊衰期諸侯公卿大夫同

內宗外宗為夫人期

天子諸侯卿大夫之適子為后夫人太子世子

期

公 子 服 圖 諸 侯 之 妾 子

為其母諸侯在則練冠麻衣縗緣既葬除之
諸侯沒則大功

為其妻縗冠葛經帶麻衣縗緣既葬除之
為其妻之父母無服

公子之妻不論諸侯存沒為夫之母期

公子之妻為夫之外祖父母從母緦

公子之妻為其父母期

郡縣吏爲守令服圖

魏令官長卒官者吏皆齊衰葬訖除

之

晉令長吏卒官吏皆齊衰以喪服理

事若代者至皆除之

入君行喪 附諒闇

喪大記 君之喪子大夫公子衆士食粥納財有司朝

一溢米莫暮一溢米食之無筭士疏食水飲食之無

筭夫人世婦諸妻皆疏食水飲食之無筭居喪不能頓食隨意

欲食則食但朝暮不過二溢之米也○君既葬王政入於國既卒哭而

服王事

喪服四制 書曰高宗諒闇三年不言善之也王者莫

不行此禮何以獨善之也曰高宗者武丁武丁者殷之賢王也繼世即位而慈良於喪當此之時殷衰而復興禮廢而復起故善之善之故載之書中而高之

故謂之高宗三年之喪君不言書云高宗諒闇三年不言此之謂也

晉文帝之喪臣民皆從權制三日除服既葬武帝亦除之然猶素冠蔬食哀毀如居喪者將謁陵詔曰漢文不使天下盡哀亦帝王至謙之志當見山陵何心無服其議以衰經從行尚書令裴秀奏止之羊枯曰三年之喪雖貴遂服禮也傳玄曰以日易月已數百年一朝復古難行也羣臣請易服復膳帝不從遂以疏素終三年**文獻**○**秦始**十年葬元皇后帝及羣臣除喪即吉博士陳達議以為今時所行漢之權制太子無有國事自宜終服尚書杜預以為古者天子諸侯三年之喪始同齊斬既葬除服諒闇以居心喪終制故周公不言高宗服喪三年而云諒闇此服心喪之文也叔向不譏景王除喪而譏其宴樂已早明既葬應除而違諒闇之節也君子之於禮存諸內而已喪豈衰麻之謂乎太子撫軍監國不為無事宜卒哭除衰麻而以諒闇終三年帝許之○**司馬公**曰衰麻主於哀戚

無庸人無衰麻則哀戚不可得而勉也杜預巧飾
經傳詩則辯矣不若陳達之質略也（文獻）○（黃）

齊曰杜說云云溫公言其失矣然其言乃曰云云
愚謂衰麻之制聖人必孝子之情為人制服豈專

為庸人而設以勉衰戚哉杜預違經悖禮常為萬
世之罪人而坐以不孝莫大之法而特言其不若陳

達之質畧非所以明世教也朱先生嘗曰左氏所
傳附而作主則與禮家虞而作主者不合（左氏）

於廟則與王制喪三年不祭者不合杜氏曰左氏
之失遂有國君卒哭除之說（文獻）○（淳熙）十四年

十月八日乙亥高宗崩孝宗謂王淮等曰晉武魏
文實行三年喪何妨聽政准對曰晉武雖有此意

後來宮中止用深衣練冠上曰當時羣臣不能將
順自我作古何害於是詔曰朕當衰服三年羣臣

自行易月之令百官上表請還內聽政不許至十
一月辛丑禪祭百官釋服復三表請不許明年四

月相廟詔勉從所請○（朱）朱子曰高宗喪壽皇
三年戴布幞頭著布衫遵行古禮可謂上正千古

之失當時宰相不學三日後便服朝服雖壽皇謙
德不欲以此喻羣臣然臣子自不當如此可謂有

父子而無君臣○又曰孝宗居喪常朝時白蝶頭
布袍當時臣下却依舊著紫衫周洪道要著涼衫
王季海不肯止於紫衫上繫皂帶今上登極常時
著白綾背子臣下各著涼衫頗不失禮而君之服
遂失其舊（語類）

補傳孔子曰古者君薨王世子聽于冢宰不敢服

先王之服履先王之位而聽焉以臣民之義則不

可一日無君矣不可一日無君猶不可一日無天

也以孝子之隱乎則孝子三年不居矣

隱痛也字或為殷

故曰義者彼也隱者此也遠彼而近此則孝子之

道備矣

朱子曰孔氏曰諒信也陰默也邢氏釋之曰信謂信任冢宰胡氏釋之曰信能默而不言也二

家皆用孔訓而為說不同○**蔡氏**曰喪服四制諒闇三年鄭註云諒古作梁楣謂之梁闇讀如鶉鷃之鷃闇謂廬也即倚廬之廬儀禮剪屏柱楣鄭氏謂柱楣所謂諒闇是也書云王宅憂諒陰言居喪於梁闇也

遺詔短喪

漢文帝遺詔曰厚葬以破業重服以傷生吾甚不取云云其令天下吏民令到出臨三日皆釋服無禁取婦嫁女祠祀飲酒食肉自當給喪事服臨者皆無踐(跣也)經帶無過三寸無布車及兵器(無以布衣車及兵器也)無護民哭臨宮殿中當臨者皆以朝夕各十五舉音禮畢罷非朝夕臨時禁無得擅哭臨以下為下棺也服大功十五日小功十四日纖七日釋服他不在令中者皆以此令比類從事云云○**朱子**曰漢文葬後三易服三十六日而除固差賢於後世之自始遭喪便計二十七日而除者然大者不正其得失不過百步五十步之間耳(大全)○又曰文帝大綱類墨子○又曰文帝當

時遺詔大功十五日小功七日
當服大功者只服十五日當服小功者只服七日
當服織者只三日恐亦不鮮
則已服之必斬衰三年豈有此等
者只臣為君服三年如諸侯為天子大夫為諸侯
乃畿內之民服之於天下吏民無三年服道理必
不可行此制必是秦人尊君卑臣却
行這三年至文帝反而復之耳
補三年之喪天下達喪漢氏節其臣則可矣
其子則亂矣綱目○羊祜曰漢文詔除三年喪
毀禮傷義主上天縱至孝雖奪其服實行喪禮
傳玄曰除之數百年一朝復難行且主上不除
而天下除則但有父
子無復君臣（晉書）

以日易月

紀興五年徽宗殂于五國城七年始知凶聞帝成
服百官表請遵易月之制胡寅上疏請致喪三年
衣墨臨戎以化天下帝欲遂終服張浚不可云
乃行易月之制宮中仍行三年之喪○**宋**曰徽

廟計至胡明仲知嚴州衆議欲以日易月張晉彦
為司理為明仲言前世以日易月皆有遺詔今太
上在遠無遺詔豈可行胡曰然則如之
何曰盍請於朝胡如其說不報（語類）

補襄公元年九月天王崩簡王崩赴已及歲在諸

後奔喪今邾衛晉方修聘事於王喪越視秦瘠喪
紀益廢民習於耳目而不察故後世以日易月（唐

順宗實錄遺詔以日易月十三日小祥二十五日
大祥二十七日釋服人子安而行之不知春秋之

義無君臣之禮豈不惜哉○（類師）曰漢文自率
已意創而為之非有取於周何為以日易月乎荀

悅曰三年之喪天下之通喪由來者
尚矣今而廢之以虧大化非禮也

喪無二嫡

公羊傳曰子以母貴母以子貴○**朱子**曰徽廟擇

宮歸鄭后擇宮亦歸邢后太上初聘亦隨歸及遣
以計聞太母還秦檜欲以吉服迎吳才老時為禮
官獨以為不可謂須先以凶服迎擇宮歸太上幾

年不見太母了不爭此二三日奉安梓宮了却以吉服迎太母歸衆禮官聚都堂皆從檜議吳獨爭之秦曰此不是公聚訟處即以吳出之先生又云公羊之說非是只有一嫡(語類)

補春秋傳曰古者諸侯不再娶於禮無二適惠公

元妣既卒繼室以聲子則仲子安得為夫人母非夫人則桓乃隱公之庶弟安得為適子

繼統執喪

紹熙五年壽皇(孝)帝崩帝(光)宗稱疾不出太皇太后詔嘉王擴成服即位有司請於易月之外用泰

絢淺黃之制朱子在講筵進劄遂詔遵用三年之制中外百官皆以涼仁視事盖用先生言也○

子割畧曰臣聞三年之喪自天子達而禮經嫡孫承重為祖斬衰三年盖嫡子當為父後以承大宗

之重而不能襲位以執喪則嫡孫繼統而代之執喪義當然也且自漢文短喪人紀廢壞十有餘年

及我壽皇聖帝易月之外猶執通喪朝衣朝冠皆以大布革去石玉卑薄之風今陛下世嫡仰承大統宜一遵壽皇已行之法以代太上皇帝躬執三年之喪而一時倉卒不及詳議遂用漆紗淺黃之服將使壽皇已行之禮舉而復墜臣竊痛之然既往不追唯有將來啓殯發引禮當復用初喪之服則典變除之節尚有可議望詔禮官稽考禮律預行稽定云云書藁後云準五服年月格斬衰三年嫡孫為祖法意甚明而禮經無文但傳云父沒而為祖後者服斬然而不見本經未詳何據但小記云祖父沒而為祖母後者二年可以旁照至為祖後者條下疏中所引鄭志乃有諸侯父有廢疾不任國政不任喪事之問而鄭答以天子諸侯之服皆斬之文方見父在而承重於祖之服向來入此文字時無文字可檢故大約以禮律言之亦有疑父在不當承重者心常不安及見此說方得無疑乃知學之不講其害如此而禮經之文誠有闕畧不無待於後人向使無鄭康成則此事終未有決斷大

全

補宋子曰儀禮期喪條內註說國君有疾不能
為祖父母曾祖父母服則世子斬又曰君喪皆
斬說已分明天子無期喪
凡有服則必斬三年語類

論居喪吉禮

神宗之喪未除而百官以冬至表賀程先生言節
序變遷時思方切請改賀為慰及除喪有司又將
開樂致宴先生又奏請罷宴○**宋**黃端明墓誌
云虜使以天申來賀方引見遽以欽宗計聞且多
不遜語諸公恒駭至謂上不可以函服見使者欲
俟其去乃發喪公白宰相此國家大事臣子至痛
之節一有失禮謂天下後世何且使人或問故將
何以對於是始議行禮又明年天申上壽議者以
欽宗服除將復用樂公奏曰臣事君猶子事父禮
親喪未葬不除服春秋君弑賊不討則雖葬不書
以明臣子之罪况今欽宗實未葬也而遽作樂不
亦失禮之甚乎且太上皇帝於欽宗嘗北面事之
有君臣之義尤恐非所安也
廟堂知公議正乃寢**大金**

補朱黃端明墓誌畧曰顯仁太后崩百官朝
臨將避辰日公引唐宗哭張公謹事爭之上殯
日適在權制之外有司議百官以吉服陪位公
又曰唐制殯在易月之內則曰各服其初服今
殯雖過期獨不以啓殯例而服其初服
乎稽古定製以伸臣子之至情幸甚

越紼祭天地

王制喪三年不祭唯祭天地社稷為越紼而行事喪

事祭吉禮吉凶異道不得相干故三年不祭唯祭天
地社稷者不敢以卑廢尊也未葬前常屬紼於輜車
以備火災喪在內而行祭於外是踰越喪紼而往也

程伯子曰越紼似亦太早雖不以卑廢尊若既葬
而行之宜亦可也蓋未葬時哀戚方甚人有所不

能祭耳遺書○**程叔子**曰禮言越紼此事難行言
越紼則是猶在殯宮於是無由致得齋又安能脫
喪服衣祭服此皆難行縱天地之祀為不可廢則
須使冢宰攝爾昔者英宗初即位有人以此問先

生答曰今人居喪百事皆如常特於祭祀廢之
不若無廢為愈子厚正之曰父在為母喪則不敢
見其父不敢以非禮見也今天子為父之喪以此
見上帝是以非禮見上帝也故不如無祭(遺書)

君吊大夫喪

附遣使吊極君為臣服君哭臣赴

喪服小記

諸侯吊於異國之臣則其君為主

其君為主者賓

主欲其相敵也

○諸侯吊必皮弁錫衰所吊雖已葬主人必

免主人未喪服則君亦不錫衰

國君自吊其臣則素弁環經錫衰吊異國

臣則皮弁錫衰也

服問

公為卿大夫錫衰以居出亦如之當事則弁經

大夫相為亦然為其妻往則服之出則否

君為卿大夫之喪成

服之後着錫衰以居出謂以他事而出非至喪所亦
着錫衰者則皮弁也當事若大斂及殯并將葬啓殯

等事則首升經身錫衰若於士則首服皮弁也大夫相為亦然者如君於卿大夫也若君於卿大夫之妻及卿大夫相為其妻而往臨其喪亦服錫衰但平常著之以居或以他事出則不服也錫衰鮮見儀禮

喪大記

君於大夫世婦大斂焉為之賜加恩則小斂

焉於外命婦

臣之妻

既加蓋而君至於士既殯而往為

之賜大斂焉

為並去聲

夫人於世婦大斂焉為之賜小斂

焉於諸妻

姪嫁及同姓女

為之賜大斂焉於大夫外命婦既

殯而往大夫士既殯而君往焉使人戒之主人具殷

奠之禮俟于門外見馬首先入門右巫止于門外祝

代之先君釋菜于門內祝先升自阼階負墉南面君

即位于阼小臣二人執戈立于前二人立于後擯者

進主人拜稽顙君稱言

謂吊辭也

視祝而踊

稱言畢而祝踊故君視祝

而主人踊

釋菜以下註見士喪

大夫則奠可也

若大夫喪則踊畢即釋此殷奠

于士則出俟于門外

士喪則主人卑不敢留君

命之反奠乃反奠

卒奠主人先俟于門外君退主人送于門外拜稽顙

君於大夫疾三問之在殯三往焉士疾一問之在殯

一往焉君吊則復殯服

殯後主人已成服而君始來吊主人還著殯時未成服之

服宜經免布深衣

夫人吊於大夫士主人出迎于門外見馬

首先入門右夫人入升堂即位主婦降自西階拜稽

顙于下夫人視世子而踊

夫人吊則世子前導如祝之導君

奠如君

至之禮夫人退主婦送于門內拜稽顙主人送于大

門之外不拜

喪無二主主婦已拜主人不當拜

君吊見尸柩而後

踊

前章既殯而往是不見尸柩也乃視柩而踊此言見尸柩而踊似與前文異舊說殯而未塗則踊塗

後乃不踊

曾子問

曰喪有二孤禮與平孔子曰昔者衛靈公適

魯遭季桓子之喪衛君請吊哀公辭不得命公為主

客入吊康子立於門右北面公揖讓升自東階西鄉

客升自西階帝公拜興哭康子拜稽顙於位有司不

辯也

不能論而正之

今之二孤自康子之過也

檀弓

君臨臣喪以巫祝桃茢執戈惡之也所以異於

生也喪有死之道焉先王之所難

去聲

言也

桃性辟惡鬼神畏之

王莽惡高廟神靈以挑湯洒壁菊茗帚也所以除穢
臨生者則惟執戈而已今加挑菊故曰異於生也喪
禮實有惡○喪公吊之必有拜者雖朋友州里舍人
死之道焉

可也吊曰寡君承事主人曰臨君吊臣喪主人當親
往拜謝喪家若無主

後以疎親無疎親則朋友舍人往拜可也寡君承
事損者傳命八之辭主人曰臨者謝辱臨之重也○

君遇柩於路必使人吊之此謂臣民之微賤○哀公

使人吊蕢尚遇諸道辟闢於路畫獲宮而受吊焉除

道路以畫曾子曰蕢尚不如杞梁之妻之知禮也齊

莊公襲莒于奪兗杞梁死焉其妻迎其柩於路而哭

之哀莊公使人吊之對曰君之臣不免於罪則將肆

諸市朝而妻妾執拘執也君之臣免於罪則有先人之

啟廬在君無所辱命

左傳言諸侯吊諸其室

○君於大夫將葬

吊於宮

宮殯

及出

行也

命引之

孝子攀號不忍君命引之奪其情也

三步

則止如是者三君退

引之如是者三

即止君又命朝

亦如之

當極朝廟

哀次亦如之

或已出大門至平日待賓客次舍之處孝子哀而暫

停柩車則

○君於士有賜幣

大夫以上有司供之士卑又不得自為故君賜

之

雜記

君若載而後吊之則主人東面而拜門右北面

而踊出待反而后奠

君來吊喪而柩已朝廟畢載在柩車君既吊位在車之東則主

人在車西東面而拜門右祖廟門之西偏孝子既拜

君於門內西偏北面而哭踊踊畢先出門不敢必君之夕留也君命之反喪所即設奠以告

○君不撫僕

妾

畧於賤也

士喪禮

君使人祔徹帷主人如初祔者左執領右執

要入升致命

祔之言遺也衣被曰祔致命曰君使某祔

補

周禮

司服王為三公六卿錫衰為諸侯總衰為

大夫士疑衰

檀弓

曰天子哭諸侯也爵弁經紂緇衣

喪服小記

君吊雖不當免時也主人必免不散麻

雖異國之君免也親者皆免

君王為三公六卿錫衰為諸侯總衰為大夫士總

衰

為

諸侯為大夫錫衰以居

臣

文王世子註同姓之士總衰異姓之士總衰

服

以其卿大夫已用錫衰故以二衰施於同姓

異姓之士

圖

大夫為責臣總

此謂公士大夫之君

禮記集說卷一百一十五

禮三年之喪終服不吊期之喪既練而吊大功之喪既葬而吊族之相為也宜吊不吊宜免不免有司罰之

吊

主人未小斂

吊者易羔裘玄冠錫裘 袒去上服以露楊衣

主人既小斂

吊者襲裘加武帶經以上朝服搶襲裘上楊衣武吉冠之卷加武明不改冠亦不免也帶謂要帶經謂首經主人既襲帶經故吊者亦襲裘帶經也

主人既成服

凡吊事弁經服弁經如爵弁而素加環經凡弁經其衰修袂凡衰之袂二尺二寸錫衰總衰疑衰其袂半而過一袂大三尺三寸

服

三衰經帶同有

王吊服弁經

三衰其前皆弁經

錫衰 王為公卿

總衰 王為諸侯

疑衰 王為大夫士

遥哭諸侯爵弁經紂衣

諸侯吊服弁經

當事則弁經

錫衰 君為卿大夫錫衰

君於大夫士有朋友之恩亦弁經衰

緦衰 同姓之士

疑衰 異姓之士

之 諸侯吊異國之臣皮弁錫衰

大夫相為吊服弁經錫衰

士朋友相為服 吊服加麻緦經帶疑衰素裳

庶人吊服素委貌白布深衣

婦人吊服吉筭無首素總 大夫吊於命婦錫衰命婦吊於

大夫亦錫衰大夫之妻錫衰士妻則疑衰歟

圖

家禮凡吊皆素服幞頭衽帶皆以白生絹為之

凡喪服未畢有吊者則為位而哭拜踊

既除喪大祥後有吊者深衣練冠禪後始來吊着祥冠

吉祭已後來吊者其服無文除喪之後亦有吊法

受外國吊

雜記

吊者即位于門西東面

此言列國遣使吊喪之禮其介在其

東南北面西上

介非一人

西於門

不敢當門之中

主孤西面

立階下

相者受命曰孤某使某請事客曰寡君使某如何不

淑相者入告出曰孤某須矣吊者入主人升堂西面

吊者升自西階東面致命曰寡君聞君之喪寡君使

某如何不淑子拜稽顙吊者降反位

復門外位

上客臨

如字

曰

上客即前章吊者正使也事畢自行臨哭之禮若聘禮之有私覲也

寡君有宗廟之

事不得承事使一介老某相

去聲

執紼弗相者反命曰

孤須矣臨者入門右

入門右不敢以賓禮自居

介者皆從之立于

其左東上宗人納賓

宗人禮官欲納此吊賓升受命先受納賓之命於主君

于君降曰孤敢辭吾子之辱請吾子之復位客對曰

寡君命某毋敢視賓客敢辭宗人反命曰孤敢固辭

吾子之辱請吾子之復位客對曰寡君命某毋敢視

賓客敢固辭宗人反命曰孤敢固辭吾子之辱請吾

子之復位客對曰寡君命使去聲臣某毋敢視賓客是

以敢固辭固辭不獲命敢不敬從客立于門西介立

于門左東上孤降自阼階拜之升哭與客拾其刼踊

三客出送于門外拜稽顙○諸侯使人吊其次舍襚

賜臨皆同日而畢事者也

朱子曰去歲北使吊祭君臣皆衰服受之殯宮但
辭日適當南內問安之日遂即其處吉服受之不
知何故如此又問頃時高宗之喪王丞相必欲歸
南內見使人會有力爭之者遂不果未聞正衙受
吊之說不知
何從得之也

補檀弓晉獻公之喪秦穆公使人吊公子重耳且

曰圖之重耳對曰君惠吊亡臣重耳身喪父死不

得與於哭泣之哀以為君憂父死之謂何或敢有

他志以辱君義稽顙而不拜哭而起起而不私拜

未為後故不成拜也不
私不再與使者私言也 ○邾婁考公之喪徐君使

容居來吊有司曰諸侯來辱斂邑者易 異則易子

則子易子雜者未之有也 臣來而其事簡易君來
而其事廣大子廣遠之

也意

諸侯相祿
祿賜

雜記 諸侯相祿以後路與冕服先路與褱衣不以祿

後路貳車也貳車在後故曰後路冕服上冕之次冕也先路正路也褱衣始命為諸侯之衣也相祿不可用己之正
○祿者曰寡君使某祿相者入告出曰孤車服也

某須矣祿者執冕服左執領右執要平入升堂致命

曰寡君使某祿子拜稽顙委衣于殯東祿者降受爵

弁服於門內雷將命子拜稽顙如初受皮弁服於中

庭自西階受朝服自堂受玄端將命子拜稽顙皆如

初祿者降出反位宰夫五人舉以東降自西降其舉

家禮疏義卷一

亦西面此言列國致禮之禮衣服曰綬每服進上介受之禮皆如初俾受之不同耳

賜芳鳳反執圭將命曰寡君使某贈相者入告反命曰

孤須矣陳秉去聲黃大路於中庭北軒執圭將命客使

自下由路西子拜稽顙坐委于殯東南隅宰舉以東

此言列國致贈之禮車馬曰贈客使上介所役使之

人為客所使故曰客使自率也下謂馬也由在也路

大路也陳車北轅畢贈者致命而客之從凡將命鄉

者率馬設在車之西也車亦此從者設之凡將命鄉

去殯將命子拜稽顙西面而坐委之宰舉璧與圭宰

聲殯將命子拜稽顙西面而坐委之宰舉璧與圭宰

夫舉綬升自西階西面坐取之降自西階凡將命總言上文吊

含綬贈將命之禮也鄉殯者立于殯之西南而面東

北以向殯也將命之時子拜稽顙畢客即西向跪而

委其所執之物其含璧與圭則宰舉之○賜者出反

位于門外

此句當屬於上介贈云云宰舉以東之下

及尸非禮也○魯有齊怨孝公薨不廢喪紀禮也註喪紀吊贈之數

國恤與人書

大全

跋范呂二公帖曰后山叢談蘇端明當國恤時與人書疏疑於當慰與否而罷乃載前輩往還

慰狀以正之今觀正獻公帖乃知當時此禮固已通行亦臣子之心不能已者不審蘇公何所疑也

補

后山叢談

曰余讀魏氏雜編見真宗時公卿大夫慰國哀往還書蓋大臣同憂戚宜有吊往

在南都奉神宗諱莫知常惻與否乃知前輩禮法猶在而近世士大夫之寡聞也○

聖侍

即慰

書曰伏以大行皇帝奄棄萬邦天下臣子畢同號慕昔同華綴俱受異恩攀靈馭以無繇望天

顏而永訣高纏悲緒遽奉台函摧咽之誠倍萬常品

國恤不敢受吊

雜記

其國有君喪不敢受吊

卿大夫以下有君喪又不敢受他國

賓客之吊尊君故也

補陸氏

曰言諸侯有天子之喪雖有親喪不敢受吊諸侯如此則其臣有諸侯之喪亦如此設

若衛靈公吊季康子而康子有君之喪應辭

謚法

表記

先王謚以尊名節以一惠恥名之浮於行也

註

猶善也言聲譽雖有衆多者即以其行一大善為謚耳

程子

曰懲勸至要莫先於謚法何則刑法雖嚴可

警於一時爵賞雖重不及於後世惟義惡之謚一定則榮辱之名不朽故歷代聖君賢相莫不持此

以勵世性理大全○又曰正終大事也加君父以不正之謚知忠孝者不為也性理大全○胡五峯曰謚者合天下之公奉君父以天道耳今夫以筆

寫神者欲其肖不肖吾君父則非吾君父奈何以
謚立神而不肖之乎是故不正之謚忠臣孝子不
忍為也（性理大全）

齊特莊曰死而謚今也古者生無爵死無謚
（平國曰謚）
有行之跡故古者生有爵則死乃請謚於天子而天
子之命謚後世但死則皆有蓋未嘗請謚於天子而
特其自謚耳

補周書曰謚者行之跡是以大行受大名細行受

細名

和靖尹氏曰文王只用箇文字武王只用箇武
字（性理大全）字謚之非不知雙字謚起於何時曰只以一字
謚為惠而今若加二字皆是分外了若如文王
之德却將幾箇字謚方盡如雙字謚自周已如
此了（語類）○**尹氏曰**謚法景公周之子孫自以

幽厲報為謚此孝子慈孫所不能改也○
 曰以謚為議君父除之春秋譏其私謚者非謂
 其臣子議君父特以不請於王而罪之後世諸
 侯死而加謚必請於大常者其得春秋之旨歟
 ○母后無謚漢高祖尊先母為昭靈夫人明帝
 葬陰太后始建光烈之稱然猶未以謚名也其
 後母后只有二謚至宋仁宗時劉太后崩謚莊
 獻明肅則母加四謚自此始矣○申生卒晉人
 謚為恭謚太子始此

諱法

曲禮

不諱嫌名二名不偏諱

陳氏曰

死而不諱則安忍而忘親二名而

均諱則易犯而難辟聖人知其然為之諱名之禮使
 之卒哭而諱所以盡愛敬之心二名不偏諱所以適
 之便語
 ○君所無私諱大夫之所有公諱○詩書不諱

臨文不諱廟中不諱

檀弓卒哭而諱生事畢而鬼事始已已語辭卒哭而

禮已畢事鬼之事始矣既卒哭宰夫執木鐸以命于宮曰舍故

而諱新自寢門至于庫門周禮大喪小喪宰夫掌其

金口木舌之鐸振之以命令于宮也其命之辭曰

舍故而諱新故謂高祖之父當遷者諱多則難避故

使之舍驚而諱新死者之名也以其親盡故可不諱

庫門自外入之第一門亦曰臯門馬氏曰始死而

諱是知死而致死之不知也程子為講官請只諱正不諱嫌名

及驚名一見遺書語類

補檀弓

二名不偏諱夫子之母名徵在言在不稱

徵言徵不稱在

難記過而舉君之諱則起與君之諱同則稱字臣

名

或與君諱同則釋字也

朱子曰玄朗諱起於真廟朝王欽若之徒推得出這也無攷竟處○又曰今人避諱多以玄為

元甚非也如玄黃之玄本黑色若云元黃是子

畏於正之類也○**春秋**僖公名申而書戊申葬

公名同而書同盟此臨文不諱也○**春秋**註古

者死而不謚不以名為諱周人以謚易名於是

有諱禮○**周頌**註蘓氏曰周人以諱事神文王

名昌而詩曰克昌何也周之所謂諱不以其名

號之耳不遂廢其文也諱其名而廢其文者周

之未失也○**文王**諱昌而箕子陳洪範曰使羞

其行而邦其昌厲王諱胡而其子宣王時詩曰

胡不相畏此詩書不諱也○**周書**記文武之樂

而歌雖曰克昌厥後噫嘻曰駿發爾私此廟中

不諱也○**三山李氏**曰周人以諱事神者如稱

文王則不敢介之曰文王昌書解惟爾元孫某

史官不敢介其名故也如穆王名滿當時亦有

王孫滿襄王名鄭當時亦有衛侯鄭武公名款

而後世之臣亦有公孫敖皆未嘗諱也孔子作

春秋如左王名班而書曹伯班簡王名夷而書
晉侯夷吾皆未嘗諱周頌註○**晉**曰常疑本
朝諱得那舊諱無謂且如宣帝舊名病已何曾
諱平帝舊名亦不諱虜中法偏旁字皆諱如敬
字和警字皆
可諱語類

牒議

宋英宗初宰臣韓琦等奏請下有司議牒安懿王
及譙國大夫人王氏襄國大夫人韓氏仙遊縣君
任氏合行典禮詔須大祥後議之治平三年詔下
翰林學士王珪等相顧不敢先知諫院司馬光奮
筆立議乃詔立牒王園廟以宗牒為牒國公奉牒
王祀文獻○**司馬**議畧曰為人後者為之子不
敢復顧私親秦漢以來帝王有自旁支承大統推
尊其父母者皆見非當時取譏後世臣等竊以為
今日所以崇奉牒王典禮一準先朝封贈蕃親尊
屬故事高官大爵極其尊崇譙國大夫人襄國大
夫人仙遊縣君改封大國大夫人考之古今實為
宜稱文獻○又上言曰向者牒王典禮宜準先朝

封贈耆親尊屬故事凡兩次會議無一人異辭而
政府獨欲尊為皇考巧飾詞說誤惑聖德政府言
儀禮本文云為人後者為其父母之服者不謂之
父母不知如何立文此乃政府欺天下之人謂皆
不識文理也又言漢宣帝光武皆稱其父為皇考
臣按宣帝承昭帝之後以孫繼祖故尊其父為皇
考而不敢尊其祖為皇祖者以與昭帝昭穆同也
先武起布衣得天下名曰中興其實翔業雖自立
七廟猶非太過况但稱皇考其嫌損甚矣今陛下
親為仁宗之子若復尊濮王為皇考則置仁宗於
何地乎文獻○**程**彭思永議畧曰竊以濮
王生陛下而仁宗以陛下為嗣則仁廟陛下之皇
考陛下仁廟之適子濮王陛下所生之父於屬為
伯陛下下濮王出繼之子於屬為姪此天地大義生
人大倫也所繼主於大義所生存乎至情是故在
義服見義別其所生蓋明至重與伯叔不同也至
於名稱統緒所係若其無別斯亂六倫今濮王陛
下之所生義極尊重無以復加以親為稱有損無
益又言者皆欲以高官大國加於濮王此甚非知
世之言也先廟之封豈陛下之敢易爵秩之命豈

陛下之敢加陛下雖加名稱漢王安肯當受云云
文集○問漢議朱子曰此只是理會稱親當時蓋
有引矣園事欲稱皇考者又問稱皇考是否曰不
是語類○又曰歐公說固不是辨之者亦說得偏
既所生亦不可不畧示殊異若止封皇伯與其
他皇伯等亦不可須封號為大王之類乃可伊川
有說但後來已自措置得好凡祭享禮數一付其
下面子孫朝廷無所預語類○又曰溫公說又於
漢王一邊禮數太薄須於中自有斟酌可也語類
○又曰伊川議似亦未為允當其後無收殺只以
漢國主其祀可見天理
自然不由人安排語類

補朱子曰漢安懿王事當時皆以司馬公為是
今則漢王懿王下却有主祀朝廷未嘗正其號
語類○又問漢議曰今有為人後者一日所
後之父與所生之父相對坐其子來受所後父
為父終不成又受所生父為父這自是理不可
試坐仁宗於此亦坐漢王於此使英宗過焉終
不成都喫兩人為父只緣衆人道是死後為鬼
神不可考胡亂呼都不妨都不思道理不可如

此先時仁宗有詔云朕皇兄濮安懿王之子猶朕之子也此甚分明當時只以此為據足矣又問古禮自何壞起曰自定陶王時已壞了蓋成帝不立茅中山王以為禮兄弟不得相入廟乃立定陶王蓋子行也孔光必盤庚殷之及王爭之不獲當時濮廟之爭都是不曾好好讀古禮見得古人意思為人後為之子其議甚詳語類

公族

文王世子公與族燕則異姓為賓公族其有死罪則

磬于甸人公族無宮刑

伊川曰磬于甸人如其倫之表無服明無罪者有服也遺書○朱子曰同宗無相賓客之道語類○又曰公族無宮刑不剪其類也纖刺于甸人特不以示眾耳刑固不可免今之法乃殺人不死祖宗時宗室至小又聚于京師犯法絕寡故立此法今散于四方與常人無異乃縱之殺人是何法令不

可不草
語類

山陵

周禮

冢人掌公墓之地

謂之地屬於公者自天子至諸侯卿大夫士皆葬於此也

辨其兆域而為之圖

貴賤尊卑各有常制先王之葬塋域廣狹各畫界限

居中以昭穆為左右凡諸侯居左右以前

在王墓左右而居前

也卿大夫士居後各以其族

各以親疎附葬

凡死於兵者不

入兆域

戰陣無勇故以示罰

凡有功者居前

以示褒

以爵等為封

丘之度與其樹數

別尊卑也王公曰丘諸臣曰封墳之高卑樹之多少各有等數

山陵

伊川代太中作疏請凡百規為依魏文帝之制明器所需皆以瓦木為之金銀珠寶之物

母得

入塋然後昭示避通判之金石云云文集一〇

代富

鄭公作論永昭陵疏畧曰往者榮奉昭

家不決決經望卷一

三

陵時朝廷不能深慮凡百規畫一出匠者之拙謀
中入之私意以巨木架石為之屋計不百年必當
損墜墮中又為鐵罩重且萬斤以木為骨大止數
寸不過二三十年決須摧毀擇宮之厚度不盈尺
異日以億萬旬之石自高而墜其將奈何惡之及
此骨寒膽喪今也太皇太后奄棄天下因此事會
當為之謀請奉太皇太后合祔昭陵因得撤去鐵
罩用厚陵石葬之制使異日雖木壞石墜不能為
害救仁宗必至之禍成陛下莫大之孝復何難哉
若以臣言為非則是使仁宗遺骨聖體碎於巨石
之下而不恤也云云文集○曰富公見托為
此奏願辭之再三其意甚切義不可拒數日之間
遂生顧慮不克上惜乎其不果於義也遂為忠孝
罪人伊川嘗貽書鄭公勸其疏論故鄭公請伊川
製疏文集○五年趙彥逾按視孝宗山陵土
肉淺薄下有水石孫逢吉復按乞別求吉兆有旨
集議臺史惲之議遂中寢
朱子議上議狀論之不報

補曰古者帝王之葬陶人瓦器木車茅
馬天下反覆霸陵獨完今所制壽陵無為山陵

改池裁令流水而已綱目○朱子山陵議狀畧曰曰山之卜累月于茲議雖紛紜訖無定說唯欲附於紹興諸陵之旁若其穴中水泉之害地面浮淺之虞偏以傷破之餘驚動諸陵之慮亦不暇顧云云又曰壽皇聖德衣冠之藏當博求名山不宜漏信臺史委之水泉沙礫之中虞世南上疏畧曰古之聖帝明王所以薄葬者非不欲崇高光飾珍寶貝物以厚其親然審而言之高墳厚壙珍物畢備此適足以為親之累非曰孝也昔成帝造延昌一陵制度甚厚功費甚多諫大夫劉向上書孝文愔而遂以薄葬武帝比葬奢侈過度其後赤眉破取茂陵魏文於首陽東為壽陵作制裁廟魏文之制可謂達於制矣

國葬

周禮

冢人大喪既有日請度甫窆甫始也量度遂為

之尸

度窆必祭告后及窆昌綸以度為丘隧丘隧墓前道也

凡祭墓為尸諸侯及諸臣葬於墓者授之兆為之

蹕葬則授兆使之自窆已葬又為之蹕其域守其禁焉蹕者止行人不敢近其塋域

天子七月而葬諸侯五月而葬

檀弓舜葬於蒼梧之野蓋三妃未之從也季武子曰

周公蓋祔天子四海為家南巡而崩故遂葬蒼梧之野舜長妃娥皇無子次妃女英生商均次

妃癸比生二女霄明燭光

大記飾棺君龍帷三池君諸侯帷柳車邊幃以白布為之王侯皆畫為龍池

者挂於柳上荒邊振容振容者振動容飾也青黃之

瓜端詳見檀弓註振容繒長丈餘如幡畫為雉懸於

池下為容飾車行蒲荒火三列散弗三列荒蒙也柳

則幡動故曰振容蒲荒火三列散弗三列車上覆謂

龍甲也緣荒邊為白黑斧文故云蒲荒荒之中夾又

畫為火三行故云火三列又畫兩已相背為之三行

故云徽素錦褚加偽帷荒褚屋也荒下用白錦為屋

三列荒是上蓋褚覆竟象宮室加帷荒者帷是邊

而加帳荒於褚外也縹紐六以縹帛為紐連之兩傍

各三凡齊字如五采五貝齊者臍之義以當中形圓如車之蓋

六也高三尺徑二尺餘以五采繒衣之列行相魚躍拂池

次五貝者又連貝為五行交絡齊上也以銅魚懸於池之下車行則魚君縹戴六戴猶值也

跳躍上拂於池魚在振容間也棺紐著柳骨棺之橫束有三每一束兩邊各屈安為

也縹披去聲六之中而出一頭於帷外人牽之每戴縹

之故亦有六也謂之披者若牽車登高則引前以防

軒車適下則引後以防翻車歌左則引右歌右則引

左使不傾覆也

雜記

升正樞諸侯執紼五百人四綽皆銜枚司馬執

鐸左八人右八人匠人執羽葆御柩柩升正柩者將葬柩朝祖廟升西

階用軛軸載柩于兩楹間而正之也柩有四綽放形似著兩端有小繩銜于口而繫于頸後則不能言所

以止喧譁也五百人皆用之司馬十六人執鐸分居左右夾柩以號令於衆也葆形如蓋以羽為之御柩

者在柩車之前若道途有低昂傾虧則以所執者為抑揚左右之節使執綽者知之也

補周禮 宗伯共喪之窆器及葬言鸞車象人及窆

執斧以涖遂入藏凶器正墓位蹕墓域守墓禁○

鄉師大喪用役則帥其民而至遂治之及葬執纛

以與匠師御匱柩而治及窆執斧以涖匠師○大

司徒大喪帥六卿之衆庶屬其六引六也治其政令

○遂師大喪使率其屬以幄帟先道野役及窆抱

磨共丘籠及蜃車之役○內豎王后之喪遷于宮

中則前蹕及葬執棄器以從遣車

改葬

隱公元年左氏十月改葬惠公惠公之薨也有宋師

太子小葬故有闕是以改葬

春秋曰昔王季葬于過山戰國策作楚山之尾藥水噬其墓見棺之前和文王曰謔先君必欲

一見羣臣百姓也夫故使藥水見之於是出而為張朝百姓皆見之三日而後更葬之高綉註云棺

題曰和○葬曰英宗欲改葬西陵當是時潞公對以禍福遂止其語雖若詭對要之却濟事遺書

碑

云公室視豐碑三家視桓楹

豐碑天子之制桓楹諸侯之制○疏

曰視者比擬之辭豐大也謂用大木為碑穿鑿去碑中之木使之空於空間著鹿盧兩頭各入碑木以緋之一頭係棺緘以一頭繞鹿盧既訖而人各背碑負緋末頭聽鼓聲以漸却行而下之也桓楹不似碑形如大楹耳通而言之亦曰碑說文桓郵亭表也如今之橋傍表柱也諸侯二碑兩柱為一碑而施鹿盧故鄭云四植也

隋文不許立秦王碑曰欲求名一卷史足矣何用碑為徒與人作鎮石(綱目)

補儀禮通解君葬用輜四綽弗二碑疏四綽二碑者綽有四條

碑有二所此諸侯也天子則六綽四碑碑各一孔樹於壙之前後綽各穿之也

朱子曰今禹墓窆石尚存高五六尺廣二尺厚一尺許其中有竅以受綽引棺者也(儀禮通解)

天子諸侯祭禮

祭之日君牽牲耋答君卿大夫序從既入廟門

羴于碑卿大夫袒而毛牛尚耳鸞刀以割奎取腍律

脊刀凋乃退爛徐廉祭祭腥而退敬之至也父為昭

穆答君言君牽牲時子姓對君共牽也卿大夫佐幣士奉芻以次序在牲之後羴牲之碑在廟中庭羴猶

繫也袒衣示有事也將殺牲則先取耳旁毛以薦神毛以告金耳以主聽欲神聽之也以耳毛為上故云

尚耳爛祭祭湯中所爛○唯聖人為能饗帝孝子為

能饗親饗者鄉也鄉之然後能饗焉是故孝子臨尸

而不怍君牽牲夫人奠盞君獻尸夫人薦豆卿大夫

相君命婦相夫人齊齊乎其敬也愉愉乎其忠也勿

勿諸其欲其饗之也臨尸不怍則致愛致慤可知齊

勿猶切切也諸猶然也文王之祭也事死者如事生思死者如

不欲生忌日必哀稱諱如見親祀之忠也如見親之
 所愛如欲色然其文王與詩云明發不寐有懷二人
 文王之詩也祭之明日明發不寐饗而致之又從而
 思之祭之日樂與哀半饗之必樂已至必哀如不欲
 生似欲
 隨之死也如欲色然言其想像親平生所愛之物如
 見親有欲之之色也饗之必樂迎其來也已至而禮
 畢則往矣
 故哀也

郊特牲有虞氏之祭也尚用氣血腥燔祭句用氣也

初以血詔神於室次薦腥肉於堂燔殷人尚聲臭味

未成滌蕩其聲樂三闋然後出迎牲聲音之號所以

詔告於天地之間也牲未殺則未有臭味滌蕩宣播
 之意欲以樂聲號呼而詔告於

兩間庶幾聞之而來格也
殷人先求諸陽凡聲陽也
周人尚臭灌用鬯臭鬱合

鬯臭陰達於淵泉灌以圭璋用玉氣也既灌然後迎

牲致陰氣也
周人尚氣臭而祭必先求諸陰故牲之

芳氣也故曰灌用鬯臭又搗鬱金香草之汁和合鬯

酒使香氣滋甚故云鬱合鬯也
以臭而求諸陰其臭

下達於淵泉矣灌之禮以圭璋為瓚之柄用玉之氣

亦是尚臭也灌後乃迎牲是欲先致氣於陰以求神

故云致蕭合黍稷臭陽達於墻屋故既奠然後燔如

陰氣也
蕭合蕭馨薌香凡祭慎諸此蕭香蒿也取此蒿及

反蕭合蕭馨薌香凡祭慎諸此蕭香蒿也取此蒿及

燒之使其氣旁達於墻屋是以臭而求諸陽也既奠

謂薦熟之時蓋堂上事尸禮畢迺尸於戶內而薦之

熟祝先酌酒奠於銅羹之燕而尸猶未入蕭脂黍稷

之燒正此時也馨香即黍稷也既奠以下是明上文

地故祭求諸陰陽之義也殷人先求諸陽周人先求

諸陰詔祝於室坐尸於堂用牲於庭升首於室直祭

祝于主索祭祝于祊不知神之所在於彼乎於此乎

或諸遠人乎祭于祊尚曰求諸遠者與詔祝於室天

朝事之時祝取牲之腍膋燎於爐炭而人告神於室也坐尸於堂者灌鬯之後尸坐戶西南面也用牲於

庭殺牲也升首於堂升牲之首也直祭正祭也祭以薦熟為正正祭之時祝官以祝辭告於神主如云薦

歲事于皇祖伯某甫是也索求也求索其神靈而祭之則祝官行祭于祊也祊有二一是正祭時設祭于

廟又求神於廟門之內而祭之詩云祝祭于祊此則與祭同日一是明日繹祭祭於廟門之外也或諸遠

人者或遠離於人而不在廟祊之為言諒也所祈之為言敬也

富也者福也首也者直也相聲饗之也嘏長也大也

尸陳也毛血告幽全之物也告幽全之物者貴純之

道也尸之遠也承上求諸遠而言尸有所俎是主人敬

前升首而祭取其與神坐相直也相詔侑也詔侑於

是欲其享此饌也饌有長久廣大之義尸神象當為

主之義訓陳記者誤耳殺牲之時先以毛及血告神

血在內告其幽毛在外告其全也貴純貴其表裡皆

善血祭盛氣也祭肺肝心貴氣主也祭黍稷加肺祭

齊去聲加明水報陰也取腍膋燔燎升首報陽也明水

沈稅齊貴新也凡沈新之也其謂之明水也由主人

之絜著此水也有血有氣乃為生物血由氣以滋故

皆氣之所舍故云氣主周祭肺殷祭肝夏祭心也祭

黍稷加肺者謂尸隋祭之時以黍稷兼肺而祭也祭

齊加明水謂尸正祭之時陳列五齊之尊又加明水

以陰物而報陰靈也。胙膋間脂也。先燔燎于爐，至薦熟，則合蕭與黍稷燒之。黍稷陽也，牲首亦陽。體此以陽物報陽靈也。明水陰鑑所取，月中之水，沆猶清也。沛漉五齊而使之清，故云沆齊絜著潔淨而明著也。自月而生，故謂之明。周禮五君再拜稽首，肉袒親割，敬之至也。敬之至也，服也。拜服也。稽首服之甚也。肉袒服之盡也。祭稱孝孫，孝子以其義稱也。稱曾孫某，謂國家也。祭祀之相，主人自致其敬，盡其嘉而無與讓也。孝子是以祭之義為稱也。諸侯有國，卿大夫有家，不但祭祖禰而已。其祭有曾祖以上，惟稱曾孫故。稱曾孫某，謂國家也。大夫三廟，得事曾祖也。上士二廟，事祖禰中下士一廟。祖禰共之，相詔侑於尸也。相者不告尸以讓，蓋主人敬尸自致其誠敬，盡其嘉善無所腥肆剔爛臠，而害祭。豈知神之所饗也。主人與讓也。腥肆剔爛臠，反。

自盡其敬而已矣舉罍角詔安尸古者尸無事則立

有事而后坐也尸神象也祝將命也

祭之為禮或進腥體或薦解剔

或進湯沉或薦煮熟豈知神果何所享乎主人不過

盡其敬心而已罍角皆爵名尸始即席舉罍角之時

祝告主人拜尸以安其坐夏立尸而卒祭此言古者

指夏時也夏禮尸無事則立有飲食之事然後坐

縮酌用茅明酌也

曰清酒三酒一曰事酒二曰昔酒三

清明謂之明酌言欲冰醴齊則先用

此明酌和之然後用茅以冰之也

獻於醢酒

冬釀接夏而成盞齊也流冰也清酒也清酒

酒而後冰之故云醢酒流于清以其差清故不用茅

也汁獻謂摩挲鉅甕及鬱金之汁也鉅甕中有煮爵

又和以盞齊摩挲而冰之出其

香汁故云汁獻流于醢酒也

澤亦之酒也

上文所冰三者之酒皆天子諸侯之禮

言此以曉之曰沛醴齊以明酌沛醴酒以清酒沛汁
獻以醴酒者即如今時明清醴酒沛于釐醴之酒也
舊謂陳久也澤讀為醴醴者和
○籩豆之薦水土之
醴醴釀之名後世謂之醴酒

品也不敢用常藝味而貴多品所以交於神明之義
也非食味之道也先王之薦可食也而不可耆也卷
冕路車可陳也而不可好也武壯而不可樂也宗廟
之威而不可安也宗廟之器可用也而不可便其利
也所以交於神明者不可同於所安樂之義也
不可
食之有節不可貪愛舊說謂質而無味不能悅口不
可好謂尊嚴之服器不可以供玩愛武萬舞大武也
以示壯勇之容不可常為娛樂宗廟威嚴之地不可
寢處以自安宗廟行禮之器不可利用以為便交神
明之義
如此酒醴之美玄酒明水之尚貴五味之本也藹

黻文繡之美疏布之尚及女功之始也莞簟之安而

蒲越活臺榦之尚明之也大羹不和貴其質也大圭

不琢美其質也丹雘雕幾祈之美素車之乘尊其操

也貴其質而已矣所以交於神明者不可同於所安

藝之甚也如是而右宜

周禮司烜氏掌以鑑取明水於凡盖取其潔也雕刻鏤也

幾黍歸之畿限也宜稱也

鼎俎竒而籩豆偶陰陽之義也黃目鬱

氣之上尊也黃者中也目者氣之清明者也言酌於

中而清明於外也

黃目黃彝也卣罍之類以黃金鍤其外以為目曰名焉用貯鬱鬯之

酒有芬芳之氣故云鬱氣

祭天掃地而祭焉於其質而已矣醴醑

之美而煎鹽之尚貴天產也割刀之用而鸞刀之貴

貴其義也聲和而後斷也貴其義貴○孔子曰繹之

於庫門內祔之於東方失之矣繹之禮當於庫門外

內祔當在廟門外西室今乃於廟門外東方皆違禮故曰失之矣

祭統夫祭也者必夫婦親之所以備外內之官也官

備則具備水草之菹陸產之醢小物備矣三牲之俎

八簋之實美物備矣昆虫之異草木之實陰陽之物

備矣凡天之所生地之所長苟可薦者莫不咸在示

盡物也外則盡物內則盡志此祭之心也四則可食之物有蠲

范者蟬與蜂也如蜚蠊是蟻子所為昆虫之異亦此類也○及時將祭君子乃齊

齊之為言齊也齊不齊以致齊者也是故君子非有

大事也非有恭敬也則不齊不齊則於物無防也者
欲無止也及其將齊也防其邪物訖其耆欲耳不聽
樂故記曰齊者不樂言不敢散其志也心不苟慮必
依於道手足不苟動必依於禮是故君子之齊也專
致其精明之德也故散齊七日以定之致齊三日以
齊之定之之謂齊齊者精明之至也然後可以交於
神明也註見齊戒條○是故先去聲期旬有一日宮宰宿肅
夫人夫人亦散齊七日致齊三日君致齊於外夫人
致齊於內然後會於大廟君純緇冕緇立於阼夫人副
褱立於東方君執圭瓚裸尸大宗執璋瓚亞裸及迎

牲君執紼卿大夫從士執芻宗婦執盥從勾夫人薦
沚水君執鸞刀羞齊夫人薦豆此之謂夫婦親之

曰圭瓚裸器也以圭璋為柄大宗亞裸容夫人有故
攝焉芻藁也殺牲用以薦藉○疏曰宗婦同宗之婦

執盥齊以從夫人也沚水即盥齊也齊者齊肝肺也
齊有二時一是朝踐之時取肝以齊貴之入室燎於

爐炭而出薦之主前二是饋熟之時君以鸞刀割制
所羞齊肺橫切之不使絕亦奠於俎上尸並齊之故

云羞齊一及八舞君執干戚就舞位君為東上冕而
云羞進也

總干率其群臣以樂皇尸是故天子之祭也與天下

樂之諸侯之祭也與竟境內樂之冕而總干率其群

臣以樂皇尸此與境內樂之之義也東上近主位祭
時天子諸侯親

在舞夫祭有三重焉獻之屬莫重於裸聲莫重於升

歌舞莫重於武宿夜此周道也凡三道者所以假於
外而以增君子之志也故與志進退志輕則亦輕志
重則亦重輕其志而求外之重也雖聖人弗能得也
是故君子之祭也必身自盡也所以明重也道之以
禮以奉三重而薦諸皇尸此聖人之道也武宿夜武
舞之曲名
其義未聞裸則假於鬱鬯歌則假於聲音舞則假於
干戚誠敬之志存於內而假外物以將之故其輕重
進退夫祭有餼餼者祭之末也不可不知也是故古
之人有言曰善終者如始餼其是已是故古之君子
曰尸亦餼鬼神之餘也惠術也可以觀政矣註見上
餼條
是故尸謏縮君與卿四人餼君起大夫六人餼臣餼

君之餘也大夫起士八人餽賤餽貴之餘也士起各執其具以出陳于堂下百官進餽徹之下餽上之餘也九餽之道每變以衆所以別貴賤之等而興施惠之象也是故以四簋黍見現其脩於廟中也廟中者竟內之象也

諸侯六簋此言四簋者留二簋為陽厭之祭故以四簋餽也舉黍則稷可知施

惠之禮脩舉於廟中則施惠之故徧及於竟內夫祭有十倫焉見事鬼神之

道焉見君臣之義焉見父子之倫焉見貴賤之等焉見親疎之殺焉見爵賞之施焉見夫婦之別焉見政事之均焉見長幼之序焉見上下之際焉此之謂十

倫

鄭氏曰倫猶義也

鋪筵設同几為依神也詔祝於室而出

于枋此交神明之道也

詔告也祝祝也謂祝以事告尸於室中也出于枋謂明日

○釋祭出在廟門外之旁也

同凡解見上設位下君迎牲而不迎尸別嫌也

尸在廟門外則疑於臣在廟中則全於君君在廟門

外則疑於君入廟門則全於臣全於子是故不出者

明君臣之義也

尸本是臣為尸則尊之如君父矣

夫祭之道孫為王

父尸所使為尸者於祭者子行也父北面而事之所

以明子事父之道也此父子之倫也

欲子知事父尸之道當如是

飲五君洗玉爵獻卿尸飲七以瑤爵獻大夫尸飲九

以散爵獻士及群有司皆以齒明尊卑之等也

九疏曰

二獻裸用爵受尸祭奠而不飲朝踐二獻饋食二獻及食畢主人酌尸此皆尸飲之故云尸飲五於此時

以獻卿獻卿之後主婦醑尸醑尸畢賓長獻尸是尸
飲七也乃以瑤爵獻大夫是正九獻禮畢但初二裸
不飲故云飲七自此以後長賓長兄弟更為加爵尸
又飲二是并前尸飲九主人乃以散爵獻士及群有
司也此謂上公九獻故以醑尸之一獻為尸飲五也
若侯伯七獻朝踐饋食時各一獻食訖醑尸但飲三
也子男五獻食訖醑尸尸飲一也○夫祭有昭穆昭
卿以下同爵則長者先飲故曰以齒

穆者所以別父子遠近長幼親疎之序而無亂也是

故有事於大廟則群昭群穆咸在而不失其倫此之

謂親疎之殺也若非大廟群昭群穆不得咸在古者明君爵有德而

祿有功必賜爵祿於大廟示不敢專也故祭之日一

獻君降立于阼階之南南鄉所命北面史由君右執

策命之再拜稽首受書以歸而舍釋奠于其廟此爵

賞之施也

疏曰醑尸之前皆承奉鬼神未暇策命此一獻則上文醑尸獻卿之時也若天子命

群臣則不日常祭之日時假於廟也

君卷袞冕立于阼夫人副禕立于

東房夫人薦豆執校效執醴授之執鐙尸酢夫人執

柄夫人受尸執足夫婦相授受不相襲處酢必易爵

明夫婦之別也

校豆中央直者執醴執醴齊之人燕掌授豆也鐙豆之下跼也爵形如雀

柄則尾也襲處目其處也

允為俎者以骨為主骨有貴賤殷人貴

髀同人貴肩允前貴於後俎者所以明祭之必有惠

也是故貴者取貴骨賤者取賤骨貴者不重賤者不

虛示均也惠均則政行政行則事成事成則功立功

之所以立者不可不知也俎者所以明惠之必均也

善為政者如此故曰見政事之均焉疏曰殷實貴髀之厚賤肩之薄

周文貴肩之顯賤髀之隱前貴於後據周言之○

骨陽肉陰俎凡賜爵昭為一穆為一昭與昭齒穆與

穆齒凡群有司皆以齒此之謂長幼有序疏曰此旅

祭者酒象兄弟子孫在昭列者為一色在穆列者夫

為一色各自相旅長者在前少者在後是以齒也祭有畀燂胞翟閤者惠下之道也唯有德之君為能

行此明足以見之仁足以與之畀之為言與也能以

其餘畀其下者也燂者甲吏之賤者也胞者肉吏之

賤者也翟者樂吏之賤者也閤者守門之賤者也此

四守者吏之至賤者也尸又至尊以至尊既祭之末

而不忘至賤而以其餘畀之是故明君在上則竟內之民無凍餒者矣此之謂上下之際際接也尊者與賤者恩意相接

王制 天子諸侯宗廟之祭春曰杓藥夏曰禘秋曰嘗

冬曰烝

疏曰初薄也春物未成祭品鮮薄也禘者次茅也夏時物雖未成宜依時以茅而祭之嘗

者新穀熟而嘗也烝者衆也冬時物成者衆也

曾子問

曰天子嘗禘郊社五祀之祭簠簋既陳天子

崩后之喪如之何孔子曰廢曾子問曰當祭而日食

大廟火其祭也如之何孔子曰接祭而已矣如牲至

未殺則廢

接捷也疾速之義遇此變異則減略節文務在速畢無迎尸於奧及迎尸入座等禮

矣 曾子問曰諸侯之祭社稷俎豆既陳聞天子崩后

之喪君薨夫人之喪如之何孔子曰廢

陸氏曰天子言嘗禘郊社

五祀諸侯言社稷略也大夫益略不復名祭三

吉禘後祔

王虞禮

是月也吉祭

註是月禋月也當四時之祭月則祭

檀弓

殷練而祔周卒哭而祔孔子善殷

善殷之祔者以不急於鬼

也其親

左傳

凡君薨卒哭而祔祔而作主

杜氏曰此謂天子諸侯之禮不通祭卿大夫

子

三年喪畢吉禘然後祔曰其祫祧主藏於夾室新主遂自殯宮入于廟國語言曰祭月享禮中豈有

日祭之禮此正謂三年之中不撤几筵故有日祭朝夕之饋如定省之禮猶其親之存也至於祔祭

須是三年喪終乃可祔也一理寬

供齊盛附犧牲

周禮

甸師祭祀供蕭茅

註蕭字或為蒿讀為縮束茅立之祭前沃酒其上酒滲下

夫若神飲之故云縮

祭統

天子親耕於南郊以共齊盛王后蠶於北郊以

共純

緇服諸侯耕於東郊亦以共齊盛夫人蠶於北

郊以共冕服天子諸侯非莫耕也王后夫人非莫蠶

也身致其誠信誠信之謂盡盡之謂敬敬盡然後可

以事神明此祭之道也

緇服亦冕服緇以色言冕服則顯其為祭服耳

徐義

曰君子反古復始不忘其所由生也是以致其

敬發其情竭力從事以報其親不敢不盡也是故昔

者天子為籍在亦反千畝冕而朱紘躬秉耒諸侯為籍

百畝冕而青紘躬秉耒以事天地山川社稷先古以

為醴酪齊盛於是乎取之敬之至也祖先也古先古者天

子諸侯必有養獸之官及歲時齊戒沐浴而躬朝之

犧牷祭牲必於是取之敬之至也君召牛納而視之

擇其毛而卜之吉然後養之君皮弁素積朔月月半

君巡牲所以致力孝之至也

曲禮天子以犧牛諸侯以肥牛大夫以索牛士以羊

豕毛色純而不雜曰犧養於滌○凡祭宗廟之禮牛

曰一元大武元頭也武足跡也牛肥則跡大豕曰剛鬣豕肥則鬣剛豚曰

膾突肥膾者充羊曰柔毛羊肥則毛細而柔弱雞曰翰音翰長

肥鳴犬曰羹羹犬肥則可雉曰䟽趾雉肥則兩足開張故曰䟽趾

兔曰明視兔肥則目開而視脯曰尹祭尹正也脯欲

魚曰商祭商乾也商度也宜鮮魚曰臠祭臠直也魚之鮮者不

餒敗則挺水曰清滌水玄酒也水可酒曰清酌酒古之

然而有直者糟既沸者清黍曰鄉合黍熟則黏聚不散其

鄉箕梁穀之強者其莖稷曰明粢稷粟也明則足

之粢稻曰嘉蔬蔬與蔬同立苗韭曰豐本根本鹽

盛鹹差鹹醢鹽味玉曰嘉玉無瑕幣曰量幣中廣狹

也度

王制 祭天地之牛角繭栗如繭如栗宗廟之牛角握握長

不出膚側手為膚四指也○
註犢未有牝牡之情故云貴其誠意

郊特牲 帝牛不吉以為稷牛帝牛必在滌三月稷牛

雉具 祭上帝者謂帝牛也祭后稷者謂稷牛也滌者

牢中清除之所二牛皆在滌中為猶用也若至
期卜牲不吉或有死傷即用稷牛為帝牛而
別選稷牛也稷人鬼其牛但得具用足矣

家禮源流續錄卷之一

家禮源流續錄卷之二

天地之祭

周禮

春官以禋祀祀昊天上帝

曲禮

天子祭天地祭四方歲徧●大享不問卜

冬至祀天

夏至祭地日月素定故不問卜

郊特牲

祭天掃地而祭

表記

大事有時日小事無時日有筮外事用剛日內

事用柔日不違龜筮子曰牲牷禮樂齊盛是以無害

乎鬼神無怨乎百姓

大事祭大神也小事祭小神也不違龜筮四字當在齊盛之下

以其一聽於龜筮故神人之心皆順也

子言之昔三代明王皆事天地

之神明無非卜筮之用不敢以其私褻事上帝是以

不犯日月不違卜筮卜筮不相襲也呂氏曰卜日而

期也卜牲而養之不敢必其物也是乃不敢以私褻

事之也又曰二至祀天地四時迎氣用四立他祭祀

之當卜日者不敢犯此素定之日也

禮器君子曰禮之近人情者非其至者也郊血大饗

腥三獻燔潛一獻孰近者為褻遠者為敬與人情相

三獻皆有血腥燔熟此各言者據先設者為主也郊

則先設血後設腥燔熟此大饗裕祭宗廟也去人情稍

近迎尸時血與腥同時薦獻酌酒以薦獻也杜稷五
祀皆三獻故因名其祭為三獻也燔沉肉於湯也其
色略變去人情漸近矣此祭血腥與燔一社稷五
當先者設之在前當後者設之居後據宗伯社稷五
祀初祭降神時已埋血據此則正祭薦燔時又薦血
也一獻羣小祀也祀卑惟一獻用熟肉無血腥燔三

者熟肉是人情所食最為褻近○方氏曰

爛而上尚氣而已至於熟則又尚味焉

郊祭名冬至祀天南郊夏至祀地北郊禮記正月

日至可以有事於上帝周正建子冬至之祀也左

傳啓蟄而郊杜預曰祀天南郊蓋孟春祈穀之祀

也韻會○程叔子曰郊祀配天宗廟配上帝天與

上帝一也在郊言天以冬至生物之始故祭於圜

丘而配以祖宗祀言上帝以季秋成物之始故祭

於明堂而配以父其禮必以宗廟之禮享之但孝

經之文有可疑周公祭祀當推成王為主人則當

以武王配上帝不當言文王若文王配則周公自

當祭祀矣周公必不如此遺書○又曰大抵周家

制作皆周公為之故言禮者必歸之周公焉遺書

○叔子禘祫議又曰配天之祖則百世不易唯以

后稷配上帝則必以父若宣王祭上帝則亦以厲

王雖聖如堯舜不可以為父雖惡於幽厲不害其

為所生也本朝以太祖祀於圓丘以禘祫於明堂

自介甫此議方正介甫所見終是高於世俗之儒

遺書○宋英宗元年詔明堂奉仁宗配錢公輔等

奏明堂之祭以勦業繼體之君有聖德者配焉本

朝太祖則周之后稷配祭于郊者也太宗則周之
文王配祭于明堂者也仁宗則周之成王也雖有
配天之功而未聞康王以嚴父之故而廢文王配
天之祭而移於成王也當仁宗之初倘有違是論
者配天之祭當在太宗矣當時無言者故宗周之
制不明於聖代仁宗曾以真宗配帝願陛下不膠
嚴父之道復循宗周之禮○司馬光等奏前漢以
高祖配天後漢以光武配明堂自古帝王自非違
邦啓土肇有區夏者皆無配天之文孝經曰嚴父
莫大於配天周公其人孔子以周公制禮而文王
適其父也故引之非謂凡有天下者皆當以父配
天然後為孝也景佑二年仁宗詔禮官稽禮典以
太祖為帝者之祖比周之后稷太宗真宗為帝者
之宗比文武然則祀真宗於明堂以配五帝亦未
失古禮今仁宗雖豐功美德洽於四海然顧捨真
宗而以仁宗配明堂恐於祭法不合切謂宜遵舊
以真宗配五帝於明堂為便○孫朴等奏宜以仁
宗配明堂詔從孫朴等議以仁宗配明堂○
問郊祀朱子曰此自是周公初立一箇法以配帝
說如郊祀朱子曰此自是周公初立一箇法以配帝

文王配明堂永為定例以廟綴郊推之自可見後
來晏將嚴父之說亂耳詩註曰配帝須以父也○
問明堂之配周公以義起之非古禮也不知周公
以後將以文王配耶以時王之父配耶曰諸儒正
持此二議不決看來只得成王之時若成王所制
之禮不知在武王之時在成王之時若成王所制
則文王乃其祖也亦自可見又問絀周公者當如
何曰只得以其祖也亦自可見又問絀周公者當如
之書不可盡信語類○問天與帝分祭何也朱子
曰為壇而祭故謂之天祭於屋下而以神祇祭之
謂之帝○又曰春秋却有卜郊但卜上辛不吉則
當卜中辛又不吉則當便用下辛不可更卜也如
魯三卜四卜五卜至於不郊非禮遺書○問三年
一郊與古制何如程子曰古者一年之間祭天甚
多春則曰民播種而祈穀夏則恐旱暵而大雩秋
則明堂冬則圜丘皆入君為民之心也凡八子不
可一日不見父母國君不可一歲不祭天豈有三
年一親郊之禮遺書○又問六天之說程子曰此
起於識書鄭玄之徒從而廣之甚可笑也帝者氣
之主也東謂青帝南謂赤帝西謂白帝北謂黑帝

中謂黃帝豈有上帝而別有五帝之理此曰周禮
言祀昊天上帝而後又言祀五帝故諸儒附此說
又問周禮說果何如曰周禮中說祭祀更不可考
證六天之說正如今人說六子不知乾坤外甚底
是六子譬如人之四肢只是一體耳遺書問今
郊祀何故有許多帝朱子曰今添了天帝共成十
帝一國三公尚不可況天有十帝乎周禮說上帝
是總說帝說五帝是五方之帝說昊天上帝只是
說帝之象鄭氏以為北極非也語類又問禮疏
中說五帝神名如威靈仰赤熒怒白招拒叶光紀
之類果有之乎曰皆是妄說漢火德故祀赤熒怒
謂之感生帝本朝火德故亦祀之語類用此問
北郊之禮程子曰北郊不可廢元祐時朝廷議行
只為五月間天子不可服大裘皆以為難行不知
郊天郊地禮制自不同天是資始故凡用物皆尚
純服用大裘也地則資生安可亦用大裘當時諸
公知大裘不可服不知別用一眼是時據昊天有
成命之詩謂郊祀同文潞公便謂譬如祭父母作
一處何害曰此詩冬至夏至皆歌豈不可耶郊天
地又與共祭父母不同也此是報本之祭須各以

類祭豈得同時耶（遺書）○天地本朝只是郊時合祭神宗嘗南郊祭天矣未及次年祭地而上仙元祐間嘗議分祭東坡議只合祭引詩郊祀天地為證劉元城逐件駁之秋冬祈穀之類亦是二祭而合言之東坡謂祖宗幾年合祭一朝分之恐致禍其說甚無道理（語類）○又曰如今郊禮合祭天地周禮有圓丘方澤之說後人只說地便是后土見於書傳言郊社多矣其者來不要如此也自還有方澤之祭但周禮其他處又都不說亦未可曉（語類）○問南北郊之辯曰如禮說郊特牲而社稷大牢書謂用牲于郊牛二及社于新邑此其明驗也故本朝後來亦嘗分南北郊至徽宗時又不知何故却合為一又曰但周禮亦只說祀昊天上帝不說祀后土故先儒說祭社便是又問周禮大司樂冬至奏樂於圓丘以禮天夏至奏樂于方丘以禮地曰周禮中止有此說更有禮大神享大鬼祭大祗之說餘皆無明文○又曰天地合祭於南郊千五六百年無人整頓（語類）○（禮記）曰古時天地定是不合祭日月山川百神亦無合共一時祭享之禮當時禮數也簡儀從也省必是天子躬親行事

語類

大學衍義

補朱子曰

日月星辰風雨寒暑

無特祭皆從祀於郊所謂日於壇月於坎日於東

月於西皆不出祀之兆言王宮夜明幽禁之類皆

指其祭位耳寒暑無定位暑近日壇寒近月壇而

已故曰相近於坎壇○又曰先祭上帝次禋六宗

次望山川然後遍及群神次序皆順○類只是祭

天之名其義則不可曉與所謂祿上帝同皆不可

曉然決非是常祭語類○朱子曰節服氏言郊祀

送迎尸則祀天有尸也天地山川之類非人鬼者

恐皆難有尸節服氏言郊有尸不害后稷配天而

有尸也○又曰如今祀天地山川神塑貌象以祭

極無義理語類○問祭禮不用商音或以為是武

王用厭勝之術竊疑聖人恐無此意曰這箇也難

曉嘗見祭家言商有殺伐之意故祭不用然也恐

無是商調不是無商音語類○朱子曰文中子言

封禪之費非古也其秦漢之侈心乎此言極好古

者封禪非謂誇治平乃依本分祭天地後世便把

來做一件誇誇底事如周頌告成功乃是陳先王

功德非謂誇自

補

周禮

曰以玉作六器以禮天地四方以蒼璧禮

天以黃琮禮地以青圭禮東方以赤璋禮南方以
白琥禮西方以玄璜禮北方皆有牲幣各放其器
之色

祭義郊之祭也喪者不敢哭凶服不敢入國門敬

之至也

三經通義

曰王者所以祭天地何王者父事天

母事地故以子道祭日以丁與辛何丁者反覆

丁寧也辛者自克辛也○或問禮不言祭地止

於大司樂一處言之舊見陳君舉亦云社稷之

祭乃是祭地却不曾問大司樂祭地祇之事天

全○問天神地祇人鬼地何以曰祇曰祇字只

是示字蓋天垂三辰以著象如日月星辰是也

地亦顯山川草木以示人所以曰地示語類○

陳氏曰古者祭天於圜丘掃地而行事器用陶
甒牲用犢其禮極簡聖人之意以為未足以盡
其意之委曲故於季秋之
月有大享之禮焉（周頌註）

明堂
附方明

祭義祀于明堂所以教諸侯之孝也
（延平周氏曰先王之於教豈必

諄諄而命之也哉蓋行禮於此而人得於彼而不知者乃教之至也

明堂位周公朝諸侯于明堂之位天子負斧依上聲南

鄉而立明堂也者明諸侯之尊卑也

大戴禮明堂者古之有也
（註淮南子言神農之世祀以明堂神農明堂曰天府）

凡九室一室而有四戶八牖凡三十六戶七十二牖
以茅蓋屋上圓下方赤綴牖也白綴牖也二九四七

五三六一八

鄭註法龜文也

堂高三尺東西九筵南北七筵

九室十二堂室四户户二牖其宮方三百步在近郊

近郊三十里此天子之路寢也亦齊不居其室待朝

在南宮揖朝出其南門

孝經宗祀文王於明堂以配上帝

明堂天子布政之堂八窓西達上圓

下方在國之南

盛德

曰明堂以草蓋屋上圓下方所以朝諸侯○

尸子

曰黃帝合宮有虞總章（註皆明堂異名）殷人

陽館周人明堂○援神契周之明堂在國之陽三里之外七里之內在辰巳○

張子

曰據王藻疑天

子聽朔於明堂諸侯則於太廟（正義）○朱子曰論

明堂之制者非一竊意當有九室如井田之制東

之中為青陽太廟東之南為青陽右箇東之北為

青陽左箇南之中為明堂太廟南之東（即東之南）

為明堂左箇南之西（即西之南）為明堂右箇西之
中為總章太廟西之南（即南之西）為總章左箇西
之北（即北之西）為總章右箇北之中為玄堂太廟
北之東（即東之北）為玄堂右箇北之西（即西之北）
為玄堂左箇中為太廟大室凡四方之太廟異方
所其左箇右箇則青陽之右箇乃明堂之左箇明
堂之右箇乃總章之左箇也總章之右箇乃玄堂
之左箇玄堂之右箇乃青陽之左箇也但隨其時
之方位開門耳太廟太室則每季十八日天子居
焉（大全）○語類又曰明堂想只是一箇三間九架
屋子（明堂配）帝說已見上

覲禮諸侯覲于天子為宮方三百步四門壇十有二
尋深四尺加方明于其上方明者木也方四尺設六
色青赤白黑玄黃設六玉圭璋琥璜璧琮公侯伯子
男皆就其旂而立天子祀方明禮日月四瀆山川丘

陵祭天燔柴祭山丘陵升祭川沉祭地瘞○方者合木為上下四方也方四尺明者神明之象

朱子曰按覲禮特言拜日禮日禮月禮山川丘陵而無禮天禮地之文下文乃曰祭天燔柴祭山丘陵升祭川沉祭地瘞何也鄭註曰升沉必就祭者也就祭謂王巡狩及諸侯盟祭也此蓋博記祭天地日月山川丘陵之禮有燔柴升沉瘞之別非專言覲禮也注又傳會上文為之說曰燔柴祭天者祭日也祭地瘞者祭月也王巡狩之盟其神主日諸侯之盟神主山川王官之伯會盟其神主月一說之外又生一說穿鑿支離甚矣（文獻）

補家語孔子觀乎明堂觀四門之牖有堯舜桀紂之像而各有善惡之狀興廢之戒

明堂位周公治天下六年朝諸侯於明堂制禮作

樂頒度量而天下大服

三輔黃圖

曰明堂者明天道之堂也所以順四時行月令宗祀先王祭五帝故謂之明堂○

氏曰孔子言宗祀文王於明堂則祀事以之明

故也孟子言行王政於明堂則政事以之明故

也此言一朝諸侯於明堂則朝事以之明故也

之明則一所以明則三也明堂位註○**漢**曰

文王之祀既不敢同后稷於郊又無屈天神於

宗廟之理故特尊其祀於明堂也斯其為曲盡

矣周須註

社稷

周禮

小宗伯掌建國之神位右社稷左宗廟

郊特牲

天子祭社稷大牢諸侯小牢○社祭土而主

陰氣也君南鄉於北墉下答陰之義也日用甲用日

之始也。天子大社，必受霜露風雨，以達天地之氣也。
是故喪去聲國之社，屋之不受天陽也。薄亳社，北牖使
陰明也。

卷四 氏有子曰：勾龍為后土，后土為社。稷，田正也。
有烈山氏之子曰柱，為稷，自夏以上祀之。周棄亦
為稷，自商以來祀之。左傳○**張子**曰：泰社，王為群
姓所立，必在國外也。民各有社，不害為泰社。王社，
王自立，為社必在城內。在漢猶有泰社，在唐只見
一社。理窟○**籍子**曰：亡國之社，遷之禮也。湯既勝
夏，欲遷其社，以為遷之不若不遷之，愈故存之。以
為後世戒。遺書○或問：旱乾水溢，變置社稷，程子
曰：句龍配食於社，棄配食於稷，諸侯之國亦各以
其有功水土者為配。水旱則變置所配之人。朱子
曰：伊川說非也。不可以一時之災而遽忘萬世之
功。蓋言遷社稷壇場於他處耳。外書○問：古者各
樹所宜木，以為社。社不知以木造，主還以樹為主。
朱子曰：只以樹為社，主使神依焉。如今人說神樹之

類問周禮載社主是如何曰古人多用主命如出行大事則用綃帛就廟社請神以社如今魂帛之類社只是壇若有造主何所藏之語類○**禮記**嘗言古者社以木為主今以石為主非古也朱子曰非將木截作主也以木名社如今櫟社柳社榆社之類語類○先生嘗說以社祭為祀地諸儒云立大社王社諸侯國社侯社五峯有此說謂此即祭地之禮道夫錄云五峯言無北郊只社便是祭地却說得好周禮他處不說只宗伯以黃琮禮地註謂夏至地神在崑崙典瑞兩圭有邸以祀地註謂祀於北郊大司樂夏日至於澤中方丘奏之八變則地示可得而禮矣他書亦無所考書云乃社于新邑牛一羊一然禮云諸侯社稷皆小牢此處或不曉語類○又曰周禮亡國之社却用刑人為尸一部周禮却看得天理都爛熟也語類○**朱**答社壇說曰州縣社壇方二丈五尺高三尺四出陞稷壇如社壇之制社以石為主其形如鍾長二尺五寸方一寸刻其上培其下半四門同一壇二十五步壇飾各隨方色上蓋以黃土瘞坎於壇之北壬地南出陞方深取足容物右出政和五

禮新儀又以行事儀考之二壇東西相并坐南向
 北社壇石主在壇上之南方北門壇外空地須令
 稍寬可容獻官席位空地之址乃作齋廳以備風
 雨設獻官位獻官南向行事社主舊法惟社有
 主而稷無主不曉其意恐不可以已意增添其言
 壇上之南方非壇之中也蓋神位坐南向北而祭
 器設於神位之北故石主當壇上南陛之上若在
 壇中央即無設祭處矣凡言方者皆從也此言
 方二丈五尺者從東至西二丈五尺從南至北二
 丈五尺也後壇壇內二十五步其說亦然高三
 尺壇分三級是以一尺為一級也四出陛此陛
 之級即壇之級也但於四面陛之兩傍各以石砌
 作慢道隔斷使其其中為陛級外為壇級可也
 方二十五步者亦是徑二十五步也以丈計之六
 尺為步則為十五丈也四角築土為壇高三尺許
 使壇上與齋廳相望得見壇上不用瓦蓋但以磚
 兩面砌之使其走水尤為堅固四門當中開門古
 法不言濶狹恐須濶一丈餘庶幾行禮往來不妨
 礙兩旁各立一華表高一丈許上以橫木貫之如
 門之狀壇飾古者不用磚砌無所考今不砌恐

易壞赤土歸之瘠於郊壇不可用也瘞坎於壇
 址主地即是合在址壇門內兩壇邊各於中央下
 日隔取土地各用磚石砌作一小天井深濶三四
 尺許其南作踏道上下開時以土實之臨祭即令
 人取去土掃令潔淨祭畢即使人持幣及祝版之
 屬從踏道下送入坎中然後下土築實差人守視
 燎壇古者祭天以燔燎祭地以瘞埋來喻所云
 燎壇為風師雨師雷師設祭是也古今禮制社稷
 風雨雷神各有壇又各有方位社稷於西方風師
 於東北雨雷於東南壇壇等亦是禮制當用台

尺不當用
 大尺天全

補周禮大司徒設社稷之壇壇者累土以為高也

不屋而壇社壇在東稷壇在西

祭法曰厲山氏之子曰農故祀以為稷共工氏之

子曰后土故祀以社

白虎通曰王者所以有社稷何為天下求福報
功也社稷所以有樹何尊而識之使人望見師
敬之所以表功也○天子諸侯小大牢皆黝色
用黑幣日用用註周初未制禮之時日猶用戊
○孝經緯曰社主神之主也土地潤不可盡敬
故封土為社以報功也稷五穀之長也穀衆不
可偏祭故立稷神以祭之○問社稷初朱子曰
說得不同或云稷是山林原隰之神或是穀神
者來穀神較是社是土神語類○輔氏曰孟古
者建國左祖右社左陽右陰陰主穀軍行載社
以行不用命戮于社○方氏曰社必有其配故
祭社則配以句龍祭稷則配以周棄焉祭義註
稷者蓋社可以無稷也

風師

周禮大宗伯以禋燎祀司中司命風師雨師

月令立春後丑日祭風師於國城東北

補大全南康軍故無風師壇淳熙六年築壇三
成陞四出東為燎壇南為大門而周垣之書祀

儀於門之東壁圖其陳
列登降之位於西壁

山川 附旅祭 城隍

周禮春官小宗伯祀山川丘陵墳衍各目其方

土制天子祭天下名山大川諸侯祭名山大川之在

其地者朱子曰一家之主則一家鬼神屬焉守一國

者來為天下者這一箇神明是甚麼大如何有些子
差忒得若縱欲無度天上許多星辰地下許多山川

如何不變恠

禮孟春命祀山林川澤犧牲毋用牝

禮天子諸侯祭山川歲徧

張子曰山川之祀以興雲致雨必報之故祀之視

三公諸侯何嘗有此人像聖人為政必去之（理窟）

○**程子**曰山川興雲雨只是氣蒸成耳今人不知

此理纔有水旱便去廟中祈禱不知雨露是甚物

從何處出復於廟中求耶世人曰祈禱而有雨遂

指為靈豈知適然（遺書）○**朱子**曰古人祭山川只

是設壇位以祭之祭時便有祭了便無故不褻瀆

後世却先立箇廟兒如此所以反致惑死（語類）○

乞增修禮狀曰禮諸侯祭封內山川今州郡封域

不減古之諸侯而封內名山大川未有望祭之禮

其有祀廟亦是民間所立（謠詠）鄙野非復古制顧

乃舍其崇高深廣能出雲雨之實而區僂拜伏於

土木偶人之前以求其滋養潤澤者於義既無所

當又其牲牢器服用褻味燕器於禮又無所藉乞

檢照五禮新儀依放祭社禮儀立

定壇場方位制度并賜行下（大全）

周禮大宗伯國有大故則旅上帝及四望

陳氏曰旅○

或問旅祭程叔子曰古之祭名皆有義如旅亦不可得而知(遺書)○程子曰如今城隍神之類皆不

當祭(遺書)

補周禮校人掌王馬之政凡將事于四海山川則

飾黃駒駒王過大山川則有殺駒以祈沉之禮也

王嗣山川神祇有不舉者為不敬不敬者君削以

地

朱子曰諸侯祭封內山川只緣是他屬武故我祭得他若不屬則氣便不與之相通如何祭得

他(語類)○問土地山川之神李氏祭之尚以為僭況士

庶乎如土地之神人家却可祭之(語類)

祈雨

周禮春官大祝掌六祈以同鬼神示一曰類二曰造

三曰檜四曰禳五曰攻六曰說註崇日月星辰山川之祭也春秋傳日月

星辰之神則霜雪風雨之不時於是乎崇之山川之神則水旱癘疫之灾於是乎崇之

又曰今祈雨神佛之類亦是其所居山之氣可感

之神佛所居皆是山川之勝而靈者

補歲早壽皇禁中祈雨有應恭父奏云此因陛下至誠感通天入之際其近如此若他事一有

不至則其應亦當如此願陛下深加聖慮語類

雩

周禮春官司巫若國有大旱則帥巫而舞雩註雩旱祭也天

于於上帝諸侯於上公之神上公句龍周棄之等

祭法 雩宗祭水旱也

說文夏祭樂于赤帝以祈甘雨鄭玄曰雩者吁也吁嗟而請雨也杜預曰雩之言遠也遠為百穀祈甘雨也穀梁曰使童男女各八人舞而呼雨故謂之雩○張子曰龍見而雩當以孟夏為百穀祈甘雨也(理窟)○程子曰春秋書大雩以見魯不當為與書郊同(遺書)

補注曰成王重周公故賜魯重祭得大雩雩于上帝用盛樂也諸侯雩于境內山川魯之大雩歲之常祀不能皆書故曰其非時則書之遇旱災則非時而雩書之所以見其非禮且志旱也經

說

蜡 讀會 作楷索也索饗百神也○年終祭名夏曰清祀殷曰嘉平周曰大蜡秦曰臘

郊特牲 天子大蜡八伊耆其氏始為蜡蜡也者索

也歲十二月合聚萬物而索饗之也蜡祭八神先雷一(神農是也)司

嗇二（修此職者）農三郵表啜四貓虎五坊六水庸七
昆虫八伊耆氏克也索求索其神也合猶閉也閉歲
之月萬物各已歸根復命聖人欲報其神之有切者
故求索而享祭之也○張子曰昆虫是害者不祭此
歲終大祭也

朱子曰五行之建於國家初無利害但臘日則用
此推之如本朝用戌日為臘是取此義（語類）○或
問蜡便是臘否曰摸樣臘
自是臘蜡自是蜡（語類）

補周禮國祭蜡則飲豳頌擊土鼓以息老物

郊特牲蜡之祭也主先嗇而祭司嗇也祭百種上聲

以報嗇也饗農及郵表啜禽獸仁之至義之盡也

○八蜡以記四方四方年不順成八蜡不通以謹
民財也順成之方其蜡乃通以移民也既蜡而牧

家範卷之二

民息已故既蜡君子不興功

雜記子貢觀於蜡孔子曰賜也樂乎對曰一國之

人皆若狂言飲酒醉甚也賜未知其樂也子曰百日之蜡

一日之澤非爾所知也

五祀

曲禮天子諸侯大夫祭五祀歲徧戶竈中雷門行

月令春祀戶夏祀竈中央祀中雷秋祀門冬祀行○

孟冬臘五祀疏臘獵也謂臘取禽數以祭五祀也

祭法天子立七祀司命中雷國門諸侯立五祀司命中雷

國門國大夫立三祀族族士立二祀門門庶人立一祀行行

或戶
或竈

曾子問天子崩未殯五祀之祭不行既殯而祭其祭

也尸入三飯不侑醑不酢而已矣自啓至于反哭五

祀之祭不行已葬而祭祝畢獻而已

諸侯尸十三飯天子十五飯不

侑者尸三飯告飽則止祝更不勸侑使滿足其數也醑不酢者無酢主人以下等事也葬後哀稍殺漸向

吉故祝侑尸食至十五飯攝主飲畢爵而獻祝祝受而飲畢則止無獻佐

食以下諸侯自薨化至于殯自啓至于反哭奉帥天

之事
子皆帥循天子之禮

禮記

曾子問曰五祀恐非先王之典遺書○或問有五

祀否叔子曰否此祭全無義理遺書○又曰門之

井語類○問先生有五祀之祭否朱子曰不祭問

中雷是何處曰上世人居土屋中間開一天窓此便是中雷後人不忌古制相承亦有中雷之名但於室中祭之語類○問祭行之義曰古人無廊屋只於堂階下取兩條路五祀雖分四時祭然出則獨祭行及出門又有一祭作兩小山於門前烹狗置之山上祭畢却就山邊喫却推車從兩山間過蓋取跋履山川之義語類○又曰祖道之祭在一土堆置犬羊於其上祭畢以車碾後上過象行者無險阻之患也語類○五祀皆設主而祭於所然後迎尸而祭於奧未知以何人為尸五祀各有主未祭及祭畢不知於何處歲是無所考也語類

但墓祭以家人為尸以誰為之朱子曰今無可考夫之類儀禮周公祭泰山召公為尸語類○震衡之類祭禮周公祭泰山召公為尸語類○問祭五祀想也只是當如此致敬未必有此神朱子曰神也者妙萬物而言者也盈天地之間皆神若設五祀無神則是鬼神陰陽動靜作止之是甚麼道理語類○問鬼神陰陽動靜作止之

故朱子答曰有此物便有此鬼神蓋莫非陰陽之所為也五祀之神若細分之則戶竈屬陽門

厲

韻會鬼灾曰
厲通作厲

祭統

七祀曰泰厲

疏曰古帝王無後者此鬼無所依好為民作禍

左傳

子產立伯有之後曰鬼有所歸乃不為厲吾

神之情狀一語類

補問伯有之事別是一理如何曰是別是一理人之所以病以終盡則其氣散矣或遭刑或忽

儻

周禮

夏官方相氏帥百隸而時儻以索室毆疫

郊特牲 鄉人儺孔子朝服立於阼階存室神也

釋子曰儺亦有理天地有厲氣而至誠作威嚴以驅之○朱子曰古人儺禮節目不可考想亦非後

世俚俗之所為者

補

月令 季春命國儺仲秋天子乃儺季冬命有司

大儺

呂氏春秋前歲一日擊鼓毆疫厲之鬼謂除害亦曰儺○後漢禮樂志昔顓頊氏有三子亡而

為疫鬼一居江水為瘧鬼一居若水為罔兩或鬼一居人宮室區隅中善驚小兒為小鬼於是

以歲十二月命祀官時儺以索室中而毆疫鬼焉

神祠

附淫祠

祭法 聖王之制祭祀也法施於民則祀之以死勤事

則祀之以勞定國則祀之能禦大災則祀之能捍大患則祀之

禮記曰風肅然起於人心恐怖要之風是天地間氣非土偶人所能為也遺書○或問世有廟食之神綿歷數百年又何理也朱子曰沉久亦能散語類○問世紫姑神云云朱子曰是我心中有故應得應不得者是心中亦不知曲折也語類

曲禮非其所祭而祭之名曰淫祀淫祀無福

秋仁

毀吳楚淫祠千七百餘止留四祠夏禹吳

太伯

季札五貧四廟也遺書○張子厚羅禮官歸

過洛陽見程叔子語及禮院所定龍女衣冠事子曰龍女衣冠如何子厚曰當依夫人品秩蓋龍女本封善齊夫人子曰其則不能既曰龍則不當被人衣冠矧大河之塞本上天降祐宗廟之靈朝廷之德而更士之勞也龍何功之有又聞龍有五十三廟皆曰三娘二子一龍耶一則不當有五十

廟五十三龍則不應盡為三娘子也子厚默然亦以此為伯子言遺書○**朱子**曰淫祠之鬼神既不當其位未能除去則亦當敬而遠之耳○**張南軒**為郡所毀淫祀前後以百數朱子曰南軒拆廟次第亦未到此復是使民知信末稍無疑始得不然民倚神為主拆了轉使民信向怨望舊有一邑泥塑一大佛一方尊信後被一無狀宗子斷其首民聚哭之頸上泥木出舍利泥木豈有此物只是人心所致語類○**輔廣**云今愚民於村落立一神祠合眾以禱之其神便靈曰可知眾心之所輻輳處便自暖故便有一箇靈底道理所以祭神多用血肉者蓋要得藉他之生氣耳○又曰人做州郡須去淫祠若係勅額者則未可輕去語類○又曰伊川令呂進白去了淫祠李先先生云此等事須是自信得及如何教人做得語類○問今之神祠無義理者極多若當官處於極無義理之神祠雖勅額凡祈禱之類不往可否朱子曰某當官所至須理會一番如儀案所具合祈禱神示有無義理者使人可也

補家語 衛將軍文子將立三將軍之廟於其家孔

子曰公廟設於私家非古禮之所及

宋文簡公李壽正

先農先蠶風雨雷師九祠以酒脯代牲牢雨暘

失節郡國水灾以此詔復舊

聖賢附釋菜

周禮

春官大胥春入學舍釋

菜合舞

舍采舞者皆持芥香之采或曰

古者見於師以采為贄采直為蔬菜之采或曰學者卿大夫之子衣服采飾舍采者減損解釋盛服以下其師也

文王世子 凡始立學者必釋奠于先聖先師及行師

必以幣

釋奠者設饌酌奠而已無迎尸以下之事疏曰始立學者有幣四時常奠不用幣也陳氏

曰無尸以主於行禮非報功也

月令仲春上丁命樂正習舞釋菜采讀為菜類繁之屬
馬氏曰釋菜

用丁為文明也陳氏曰取先庚後甲也

朱子文廟釋奠儀

時日以春秋二仲上丁前一月檢舉開所屬排辦前期習儀行事於講堂

齊戒前五日應行事官執事官散齋三日治事如故宿於正寢不吊喪問疾作樂判書刑殺文書決

罰罪人及與穢惡致齋二月一日於廳事其一日質明赴祠所宿齋諸生皆齋於學館

陳前三日有司設行事執事官次於廟門外先滌祭器前二日有司牽牲詣祠所前一日掃除廟

之内外每滌祭器釋奠日丑前五刻執事者陳幣篚各一於神位之左幣以白絹各長一丈八尺祝

板各一於神位之右置於坫祝板長尺二寸廣八寸擗或拓為之次設祭器掌儀者實之每位各

左十簋為三行以右為上（第一行乾簠在前乾棗
 銅鹽魚鱸次之第二行鹿脯在前榛實乾桃次之
 第三行菱在前芡栗次之）右十豆為三行以右為
 上（第一行并莛在前筍莛葵莛菁莛次之第二行
 韭莛在前魚鹽兔鹽次之第三行豚拍在前鹿鬐
 豔鹽次之）俎二一在簋前（實以羊腥七體兩脾兩
 肩兩脅並脊兩脾在上端兩肩兩脅次之脊在中）
 一在豆前（實以豚腥七體其載如羊）又俎六在豆
 右為三重以北為上（第一重一實以羊腥腸胃肺
 离肺一在上端肺三次之腸三胃三又次之一實
 以豕腥膚九橫截第二重一實以羊熟腸胃肺一
 實以豕熟膚其載如腥第三重一實以羊熟十一
 體肩臂臑肫肱正脊一直脊一橫脊一代脅一長
 脅一短脅一皆二骨以並肩臂臑在上端肫肱在
 下端脊脅在中一實以豕熟十二體其載如羊皆
 羊在左豕在右）簋二簋二在簋豆外二俎間簋在
 左簋在右（簋實稻梁梁在稻前簋實黍稷稷在黍
 後）設犧尊四象尊四為二重在殿上東南隅北向
 西上犧尊在前皆有坫加勺畢為酌尊（犧尊一實
 明水為上尊餘實泛齊初獻酌之象尊一實明水

為上尊餘實醴齊亞終獻一酌之○文公時惟顏孟配享故設犧尊四象尊四今增曾子子思當設犧

象各六又設太尊二山尊二在神位前兩楹之殿下不酌之尊通為兩行太尊一實之齊山尊

一實醴齊各一尊實明水著尊二犧尊二象尊二壺尊六著尊一實夾齊犧尊一實醴齊象尊一實

沉齊各以一尊實明水壺尊三實玄酒三實三酒明水元酒皆在上五齊三酒皆以本處酒代充在

殿下皆北向西上加鼎五齊三酒皆設而不酌又設諸從祀位祭器每位各左二簋栗在前鹿脯次

之右二豆(菁菹在前鹿醢次之)俎一在簋豆間(實以羊豕腥肉)簋一在簋前(實以稷)簋一在豆前(實

以黍)爵一在簋豆之間兩廡各設象尊二(實以法酒)有司設燭于神位前設洗二於東階之東(盥洗

在東爵洗在西罍在洗東加勺篚在洗西南肆實以巾(若爵洗之篚則又實以爵加坩)執罍篚者位

於其後設揖位於廟南門外初獻在西東向亞終獻及祝在東西向北上(祝位稍却)又設三獻官席

位於殿下東階東南西向北上分獻官位其後祝位二於庭中稍北學生位於庭中北向西北向西北

獻飲福位於東序西向又設祝位於殿上前楹間
西向開瘞坎於廟殿之北壬地方深取足容物南
出陛設望瘞位於瘞坎之南三獻官在南北向西
上祝在東西向

卷一 前一日釋奠官帥其屬常服閱饌物視牲充
脂詣厨視滌溉訖各還齋所晡後掌廟者掃除廟

之內外
行事 釋奠日丑前五刻行事執事官各入就次掌

饌者帥其屬實饌具畢贊禮者引初獻常服（凡行

事執事官皆贊禮者引（升外東階充行事執事官

升降皆自東階（點視陳設訖退就次各服其服學

生先入就位（贊禮者引）三獻官詣廟南門外揖位

立（定）執事官相見禮主人揖入門右賓奉贊入門左

跪曰（凡門出以西為右以東為左入則以東為右

以西為左故儀禮十七篇主人出入門皆由闕東
賓出入皆由闕西此不易之論也今釋奠儀設揖

位於廟門之外初獻立于闕西東面亞終獻立於
闕東西面誨也當以儀禮賓西主東之位為序（贊

禮者贊揖次引祝入就殿下席位西向立贊者對
立於三獻之前少定贊請行事與安之樂作三成

止贊唱者曰再拜初獻以下皆再拜贊者引祝升

殿就位

真幣贊者引初獻詣盥洗位同安之樂作初獻升

降行止皆作同安之樂至位北向立執壘者酌水

初獻搢笏盥手帨手執笏升詣至聖文宣王神位

前北向立樂止明安之樂作搢笏跪祝立於神位

之左西向搢笏跪執事以幣投祝祝奉幣授初獻

祝執笏與初獻受幣真訖執笏俛伏興贊者引祝

次詣充國公神位前北向立次引初獻詣神位前

東向立真幣如上儀次詣郝國公沂國公鄒國公

神位前真幣並如上儀樂止祝復位初獻降階樂

作復位樂止

初獻少頃贊者引初獻再詣盥洗位樂作至位北

向立搢笏盥手帨手執笏次詣爵洗位北向立搢

笏洗爵拭爵以爵授執事者執笏升殿詣至聖文

宣王酌尊所南向立樂止戍安之樂作執事者以

爵授初獻初獻搢笏跪執爵尊者舉爵執事者

酌犧尊之泛齊初獻以酌授執事者興執笏詣文

宣王神位前北向立搢笏跪執事者以爵授初獻

初獻執酌三祭酒真爵執笏跪執事者以爵授初獻

初獻執酌三祭酒真爵執笏跪執事者以爵授初獻

初獻執酌三祭酒真爵執笏跪執事者以爵授初獻

初獻執酌三祭酒真爵執笏跪執事者以爵授初獻

詣神位前東向搢笏跪讀祝文讀訖執笏與先詣配位前南向立初獻再拜成安之樂作次詣兗郛

沂鄒國公神位前東向酌獻讀祝並如上儀俱復位初獻降階樂作復位樂止

亞獻贊者引亞獻詣盥洗爵洗位升詣酌尊所儀節及樂並同初獻酌象尊之醴齊以爵授執事者

執笏詣文宣王兗郛沂鄒國公神位前東向酌獻讀祝並如上儀俱復位亞獻降階樂作復位樂止

終獻贊禮者引終獻詣洗升殿酌獻如亞獻儀降復位

分獻終獻將升次引分獻官詣盥洗盥手帨手分獻殿內及兩廡諸神位（獻十哲者由東階升獻兩廡者由兩廡之階而升）搢笏跪執酌三祭酒奠酌

執笏俛伏興再拜分獻訖俱復位

飲福受胙（據王氏胙俎各減正脊橫脊）贊禮者引初獻升階詣東序西向立執事者各以爵酌福酒

合置於一爵持爵詣初獻之左北向立（祝進立初獻之西東面）初獻再拜搢笏跪受爵祭酒

率酒奠酌執饌者以俎進減正配位（俎肉合置一俎又以豆取黍稷飯合置一豆先以飯授初獻初）

獻受訖以授執饌者執事者再授初獻初獻受
 爵飲卒爵執事者受虛爵復於坫初獻執笏俛伏
 興再拜降復位至云贊唱者曰執事各復位贊禮
 者今定贊唱者曰賜酢再拜在位者皆再拜已飲
 福受酢者不拜
 望 贊禮者引初獻以下就望座位執事者取幣
 祝版置於座坎贊禮者曰可座實土半坎初獻以
 下詣南門外揖位立定贊禮者贊曰揖禮畢退有
 司監徹禮饌闔戶
 以降乃退文獻

滄洲精舍釋菜儀

前期獻官以下皆盛服今用深衣涼衫掌儀設神
 座用席先聖南向配位西向從祀位東向西向宣聖
 像居中顏曾思孟西向配北上并紙牌子瀟漢東
 一明道西一伊川東二康節西二溫公東三橫渠
 西三延平東四亦紙牌子並設於地設祝版於先
 聖位之右設香爐香案香合於堂中設祭器於神
 座前每位各左一簋今用恭盤實以脯果右一豆
 今用恭盤實以笱菜設犧尊一於堂上東南隅今

以凡尊代加勺畢設燭四於堂中二於東西從祀
 位之前設洗二於東階之東盥洗在東爵洗在西
 卓一於洗東卓上箱二巾東爵西設獻官位於堂
 下北面分奠者二人次之諸生又次之皆北向西
 上及期獻官以下序立於東廊下掌儀率執事者
 升堂實酒饌贊者一人引獻官升堂點閱降就堂
 下位分奠官及諸生各就位贊者一人離位少前
 再拜訖進立於主人之右西向曰再拜在位者皆
 再拜掌儀祝司尊者皆升掌儀立於東序西向祝
 立於階上西向司尊者立於尊南北向贊引獻
 官詣盥洗之南北向立盥洗手帨手升焚香再拜降
 再詣盥洗如初詣爵洗南北向立洗爵以授贊升
 詣尊所西向立贊以爵授獻官司尊者舉畢酌酒獻
 官以爵授贊俱詣先聖前獻官北向跪贊跪授爵
 獻官執爵三祭奠爵於籩之間俛伏興少立祝詣
 獻官之左東向跪讀祝訖興復位獻官再拜次詣
 盥洗爵如初洗諸配位爵訖贊者以盤盥捧升酌
 詣配位如初儀但不讀祝獻官復位當獻官詣配
 位酌獻時贊者二人各引分奠官分行東西從祀
 禮盥洗以下並如配位之儀東先西後分奠訖復

位在位者皆再拜退（陳曲長幼並來陪禮畢先生

多年老不敢居中位再辭不獲諸生復請遂就

位說為學之要午後集眾賓飲至暮散（大全

張曰家中有孔子真嘗欲置於左右對以坐又

不可焚香又不可拜而瞻禮皆不可思之不若卷

其道（理窟

問祭先聖先賢如何曰有功德在人人自當報之

語類○**第**諸生曰開元釋奠儀設先聖位於堂

西東向先師位其東北南向初不云有像設及從

祀諸子也今以當時人文章所記著考之則皆為

夫子南面像門人亦像十子而圖其餘於壁是則

開元之制施用於當時者亦無幾矣（二

其所以然斷其得失（天全

位後來方有塑像顏孟配享始亦分位（子先聖左

右後來方並坐（于先聖之東西向當來所降指揮

今亦無處尋討（類

○又曰室中西南隅乃主位

若宣聖廟室則先聖當東向先師當南向（古者主

位東向故拜則望西今既一列南向到拜時亦却

望西都自相背古者器用簠豆等陳於地當時只
席而坐故如此今塑像高高在上而祭饌反陳於
地情文全不相稱曩者白鹿塑像時某以為不如
不塑像某處列子庙却塑列子膝坐于地這必有
古禮語類○又曰宣聖本不當設像春秋祭時只
設主祭可也今不可行只得設像坐于地方始是
禮語類○又曰謁聖焚香不是古禮拜進將捻香
不當叩首只直上捻香了却出笏叩首而降拜語
類○又曰家塾祀夫子於古未
聞若以義起當約釋菜禮為之

補
曰釋奠即舍釋菜即祭菜然則國子入學以

蘋蘩告誠祀其師以示敬道也

鄭注云菜
芹藻之屬

惟橫渠一象服章不類或有此濶綸并告為摹

易之如二先生
野服如何天全

宗廟 附原廟 昭穆 同堂異室

春官小宗伯掌建國之神位右社稷左宗廟辨

廟祧之昭穆

天下有王分地達國置都立邑設廟祧壇墀而

祭之乃為親疏多少之數是故王立七廟一壇一墀

曰考廟曰王考廟曰皇考廟曰顯考廟曰祖考廟皆

月祭之遠廟為祧有二祧享嘗乃止去祧為壇去壇

為墀壇墀有禱焉祭之無禱乃止去墀曰鬼王考祖也皇考

曾祖也顯考高祖也祖考始祖也祧言三昭三穆之

當遷者歲於夾室也壇墀不得祭於祧祭之則為壇

也諸侯立五廟一壇一墀曰考廟曰王考廟曰皇考

廟皆月祭之顯考廟祖考廟享嘗乃止去祖為壇去

壇為壇壇壇有禱焉祭之無禱乃止去壇為鬼去祖為壇

者高祖之父雖遷主寄太祖之廟而不得於此受祭若有祈禱則去太廟而受祭於壇

王制天子七廟三昭三穆與太祖之廟而七諸侯五

廟二昭二穆與太祖之廟而五也以其南面而向明

也曰其為向明何也曰此不可以空言曉也今且假說諸侯之廟以明之蓋周禮建國之神位左宗廟則

五廟皆當在公宮之東南矣其制則孫毓以為外為都宮太祖在北二昭二穆以次而南是也蓋太祖之

廟始封之君居之昭之北廟二世之君居之穆之北廟三世之君居之昭之南廟四世之君居之穆之南

廟五世之君居之廟皆南向各有門堂室寢而墻于四周焉太祖之廟百世不遷自餘四廟則六世之後

每一易世而一遷其遷之也神主附于其班之南廟南廟之主遷於北廟北廟親盡則遷其主于太廟之

西夾室而謂之祧凡廟主在本廟室中皆東向及其祫于太廟之室中則唯太祖東向自如而為最尊之

位群昭之入乎此者皆列於北牖下而南向者取其向明
入乎此者皆列於南牖下而北向者取其向明
故謂之昭北向者取其深遠故謂之穆蓋群廟之列
則左為昭而右為穆禘祫祭之位則北為昭而南為穆
也曰六世之後二世之主既祧則三世為昭而四世
為穆五世為昭而六世為穆乎曰不然也昭常為昭
穆常為穆禮家之說有明文矣蓋二世祧則四世遷
昭之北廟六世祧昭之南廟矣昭者祔則穆者不遷穆
之北廟七世祔穆之南廟矣昭者祔則穆者不遷穆
者祔則昭者不動此所以祔必以班尸必以孫而子
孫之列亦以為序若武王謂文王為穆考成王稱武
王為昭考則自其始祔而已然而春秋傳以管蔡邠
霍為文之昭邠晉應韓為武之穆則雖其既遠而猶
不易也豈其交錯彼此若是之紛紛哉曰廟之始立
也二世昭而三世穆四世昭而五世穆則固當以左
為尊而右為卑矣今乃三世穆而四世昭五世穆而
六世昭是則右反為尊而左反為卑也而可乎曰不
然也宗廟之制但以左右為昭穆而不以昭穆為尊
卑故五廟同為都宮則昭常在左穆常在右而外有
以不失其序一世自為一廟則昭不見穆穆不見昭

而內有以各專其尊必大裕而會於一室然後序其
尊卑之次則凡已毀未毀之主又畢陳而無所易唯
四時之祫不陳毀廟之主則高祖有時而在穆其禮
未有考焉意或如此則高之上無昭而特設位於祖
之西補之下無穆而特設位於曾之東也歟曰然則
毀廟云者何也曰春秋傳曰壞廟之道易檐可也改
塗可也說者以為將納新主示有所加耳非盡撤而
悉去之也曰然則天子之廟其制若何曰唐之文祖
虞之神宗殷之七世三宗其詳今不可考獨周制猶
有可言然則漢儒之記又已有不同矣謂后稷始封
文武受命而王故三廟不毀與親廟四而七者諸儒
之說也謂三昭三穆與太祖之廟而七文武為宗不
在數中者劉歆之說也雖其數之不同然其位置遷
次宜亦與諸侯之廟無甚異者但如諸儒之說則武
王初有天下之時后稷為太祖而組紺居昭之北廟
太王居穆之北廟王季居昭之南廟文王居穆之南
廟猶為五廟而已至成王時則組紺桃王季遷而武
王祔至康王時則太王桃文王遷而成王祔至昭王
時則王季桃武王遷而康王祔自此以上亦皆且為
五廟而桃者歲于太祖之廟至穆王時則文王親盡

當祧而以有功當宗故別立一廟於西北而謂之文
 世室於是成王遷昭王祔而為六廟矣至共王時則
 武王親盡當祧而亦以有功當宗故別立一廟於東
 北謂之武世室於是康王遷穆王祔而為七廟矣自
 是以後則穆之祧者藏於文世室昭之祧者藏於武
 世室而不復歲於太廟矣如劉歆之說則周自武王
 克殷即增二廟於二昭二穆之上以祀高圉亞圉如
 前帝遷至于懿王而始立文世室於三穆之上至孝
 王時始立武世室於三昭之上此為必不同耳曰然
 則諸儒與劉歆之說孰為是曰前代說者多是劉歆
 愚亦意其然也

廟室有東西廂曰廟
 廟故自無配遺書又曰歸格于藝祖用特只言祖廟舉
 行禮遺書又曰歸格于藝祖用特只言祖廟舉
 尊耳實皆告也共用一牲而已古禮雖不可詳恐
 薦新之類亦止就廟惟時祭設主則各就其室非
 祭不必設主也遺書
 考而下五并遠廟為祧者二無不遷之太祖廟至
 周有百世不毀之祖則三昭三穆四為親廟二為

文武二世室并始祖而七諸侯無二桃故五大夫
無不遷之祖則一昭一穆與祖考而三故以祖考
通謂為太祖若祫則請於其君并高祖千祫之正
象○**朱子**曰凡廟皆南向而本廟之主在其室中
皆東向但祫祭於太廟之時則獨太祖不易其位
而群廟主合食於前者皆南向以叙昭穆耳
大金○**韋玄成**等議周之所以七廟者以**后稷**始
封文武受命而王三廟不毀與親廟四而七劉歆
以為七者其正法數可常數者宗不在此數中宗
寔也苟有宗德則宗之不可預為毀數故殷有三
宗云云二說不同班固以歆說為是今亦未能決
其是非姑兩存之至於遷毀之序則昭常為昭穆
常為穆元豐議禮陸佃以為昭穆者父子之號昭
以明下為義穆以恭上為義方其為父則稱昭取
其昭以明下也方其為子則稱穆取其穆以恭上
也壇立於右墀立於左以周制言之則太王親盡
去右壇而為墀王季親盡去左桃而為壇左右遷
徙無嫌云此皆為說之誤殊不知昭穆本以廟之
東西主之南北得名初不為父子之號也壇墀之
左右亦出先儒一時之說禮經非有明文正似果

然亦為去廟之後主藏夾室而有禱之祭且壇
又皆一而已昭不可以越壇而徑穆穆不可以有
壇而無壇故迭進而無嫌非若廟之有昭穆而可
以各由其序而適遷也大全○又曰四時之祭不
兼毀廟之主則有無昭而穆獨為尊之時令若王
季雖遷而武王猶與成王為偶不進居王季之處
也文王之為穆也亦虛其所向之位則何害其為
尊哉大全○**朱**答何叔京書曰所論先武親廟
立伯升之子以奉私此最得之但成哀以下即陵
為廟似已允當蓋彼皆致寇亡國之君又未嘗命
光武以興復自不當更立廟於京師也如漢獻晉
懷又不同蓋昭烈元帝嘗受二帝之命矣此等事
乃禮之要須精於義理乃能處之不差大全○又
曰左傳邑有先君之廟曰都魯得古之王者嘗為
都處便自有存廟如太平廟在岐文王廟在豐武王
祭太王則於岐祭文王則於豐賀孫歸云古人之
廟不遷鎬京却無二王之廟語類○又曰堯舜之
廟雖不可考然以義理推之堯廟當立於丹朱之
國所謂修其禮物作賓于王家蓋神不散非類民
不祀非族語類○又曰諸侯不得祖天子然魯有

文王廟左氏亦云鄭祖厲王此必周襄諸侯僭

語類

○

古人入大抵室事尚東向堂事尚南向語類

○又曰近見太廟之堂亦淺裕祭時太廟東向乃

在虞虞群穆背簷而坐臨祭皆以常幕圍之古人

惟朝踐在堂宅祭皆在室中戶近東則太祖與昭

穆之位背虞皆實又其祭逐廟以東向為尊配位

南向若朝踐以南向為尊則配位西向矣語類

又曰古制不可曉禮說士堂後一架為室蓋甚窄

天子便待加得五七架亦狹窄不知周家三十以

上神主位次相逼如何行禮語類○又曰今一廟

西上之制出於漢明帝歷代相承不改語類○又

曰太祖不別立廟室千五六百年無人整理語類

○

制為是○曰王制祭法廟制不同以周制言之恐王

昭三穆與太廟而七祭法則序四親廟而五祭法則三

以辨昭穆穆王制諸侯五廟與太廟而五祭法則三

親廟月祭高太二廟享嘗以見隆殺王制大夫三

廟一昭一穆與太祖而三祭法但有二親廟而高

太無廟有二壇以為請禱之祭而已王制士一廟

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

祭法則分適士二廟官士一廟又祭法有考王考

皇考顯考祖考之稱王制則無之大抵王制畧而祭法詳又按三壇同壇之說出於金縢乃是曰有所禱而後為之非於宗廟之外預為壇以待他日之有禱也孝經為之宗廟以鬼享之非去壇而為鬼也如晉張融之說則祭法所言難以盡信文獻

朱子禮學

王制天子七廟三昭三穆與太祖之

廟而七諸侯大夫士降殺以兩祭法又有適士二

廟官士一廟之文大抵士無太祖而皆及其祖考

也鄭氏云夏五廟商六廟周七廟今按商書已云

七世之廟鄭說恐非是其制皆在中門外之左外

為都宮內各有寢廟別有門垣太祖在左昭右

穆以次而南晉孫毓議天子太祖百世不遷一昭

一穆為宗亦百世不遷二昭二穆為四親廟高祖

以上親盡則毀而適遷昭常為昭穆常為穆諸侯

則無二宗大夫則無二廟其遷毀之次則與天子

同儀禮所謂以其班祔壇弓所謂祔于祖父者也

三代之制其詳雖不得聞大畧如此漢承秦弊不

能深考古制諸帝之廟各在一處不容合為都宮

以序昭穆貢禹韋玄成匡衡之徒雖欲正之而終

不能盡合古制後漢明帝欲自儉抑遺詔無起寢
廟藏主於光武廟中更衣別室其後章帝又復如
之復世雖不敢加而公私之廟皆為同堂異室之
制自是以來更歷魏晉隋唐其間非無奉先思孝
之君據經守禮之臣皆不能有所裁正其弊至使
太祖之位下同孫子而更僻處一隅既無以見其
為七廟之尊群廟之神又上壓祖考而不得自為
一廟之主以人情而論之則生居九重窮極壯麗
而沒祭一室不過尋丈之間孝子順
孫之心於此豈亦有所不安矣天全

原廟

漢惠帝為朝長樂宮作複道方等武庫南叔孫通
曰陛下何自等複道高帝寢衣冠月出遊高廟子
孫奈何乘宗廟道上行我帝懼曰惠壞之通曰入
主無過舉願陛下為原廟渭北衣冠月出遊之益
廣宗廟大孝之本乃詔立原廟采子曰原再也既
有廟而再立一廟○**宋子宗**廟同堂異室議漢章
帝以明帝一時亂命壞千古之彛制諸儒未有斥
其非者徒知論惠帝作原廟之罪夫原廟誠不當

作要必復古宗廟之制然後可得而議爾或曰周公祀文武於洛邑非原廟耶曰此固禮之變也然設於別都而不設於京師及所幸郡國又不聞其以果獻之褻禮施焉則亦與漢異矣天全○本朝既有太廟又有一景靈宮原廟則是衣冠月出遊之地只似太廟了恐非所謂原廟之意語類○問景靈起於何代曰起於真廟初只祀聖祖諸帝后其後神宗祀聖祖於前殿帝后於後殿似此等禮數唐人亦無語類○問原廟之制朱子曰藏高帝衣冠於其中月一取其衣冠出遊於國中後廟制前廟後廟寢寢所以藏亡者之衣冠漢時却移寢於陵所謂陵寢故明帝於原陵見太后鏡奩中物而悲哀蔡邕曰謂上陵亦古禮此等議論皆是他講學不明之故他只偶見明帝之事故為是說語類如補問漢原廟曰如原蠶之原語類

昭穆

祭有昭穆昭穆者所以別父子遠近長幼親疎

之序而無亂也

朱

王曰孫毓云外為都宮太祖在北二昭二穆以

次而南出江都集禮語類○又曰賈疏中謂太廟

居中昭穆左右分去列作一排若天子七廟恐太

長潤又曰大率論廟制劉歆之說頗是○或問昭

穆說詳見宗廟條○**朱**曰先儒之說兄亦

傳國者以其嘗為若臣便同父子各為一世

補^音格庵趙氏曰左昭右穆者死者之昭穆

也群昭群穆者生者之昭穆也宗廟之禮非特

序死者之昭穆亦所以序生者之昭穆○**朱**

曰始祖太廟門向南兩邊分昭穆周家則自王

季以上之主皆祧于后稷始祖廟之夾室自成

王昭王以下則隨昭穆遠遷于昭穆之首廟至

首廟而止如周則文王為穆之首廟武王為昭

之首廟九新崩者祔廟則看昭穆但昭則從昭

穆則從穆不交互兩邊也又云諸廟皆有夾室

語類○或問中說廟制處所謂高祖者何也未

家禮原流寶錄卷上

三十八

子曰四世祖也世與太字古多互用如太子為世子太室為世室之類語類○問張髦昭穆之說曰非惟用改易經文兼之古者昭穆不盡稱宗唯祖有功宗有德故云祖文王而宗武王且如西漢之廟唯文帝稱太宗武帝稱世宗至唐廟乃盡稱宗此不可以為據語類

祧遷附毀廟

周禮

守祧掌守先王先公之廟祧若將祭祀則守祧

黜陟之

祭法

設廟祧壇墀而祭之乃為親疎多少之數是故

王立七廟一壇一墀遠廟為祧去祧為壇去壇為墀

去墀曰鬼

或問兄弟相繼如何程叔子曰此皆自立廟然如吳泰伯兄弟四人相繼如何若上更有二廟不祧

則遂不祭祖矣故廟雖多亦不妨祧只祧得眼絕
者以義起之可也（遺書）○（張）曰古者公出疆及
太夫出聘皆載遷廟之主而行以此觀之則主常
存也然則當其祔時必皆取而合祭也（理齋）○又
曰既是壇墠則其禮必不如宗廟但鬼饗之耳鬼
饗之者血毛以為尚也（理齋）○（嘉祐）七年英宗即
位仁宗將祔廟司馬光等議以為太祖以上之祖
雖屬尊於太祖親盡則遷故漢元之世太上廟主
瘞於寢園魏明之世處士廟主遷於園邑晉武祔
廟遷征西府君惠帝祔廟遷豫章府君自是以下
大抵過六世則遷蓋太祖未正東向故止祀三昭
三穆已正東向則并昭穆為七世唐初祀四世太
宗增祀六世及太宗祔廟則遷弘農府君高宗祔
廟又遷宣皇帝皆祀六世前世成法也明皇立九
室祀八世事不經見若以太祖太宗為一世則大
行祔廟僖祖親盡當遷夾室祀三昭三穆於先王
典禮及近世之制無不符合（文獻）○宋朝自太祖
追王僖順翼宣四祖以來每遇禘祫祖宗以昭穆
相對而虛東向之位王安石以僖祖之廟與后稷
無異諸儒韓絳輩辨之不從時程頤為布衣亦以

安石之言為是熙寧八年禘于太廟以僖祖東向
紹興後董弁王普尤袤俱請正太祖東向之位未
克行先是英宗祔廟已祧順祖至欽宗祔廟又祧
翼祖及高宗升祔遂為九世十二室至是孝宗將
升祔趙汝愚當國欲并祧僖宣二祖事下朝廷議
尚書鄭僑等請祧二祖而正太祖東向之位諸儒
樓鑰陳傅良等皆以為可詔從之僑等又請立僖
祖別廟以順懿宣三祖祔藏時朱子在講筵獨入
議狀上召對稱善先生請再令臣僚議先生既退
廟堂已毀四祖廟而遷之矣時汝愚既以王安石
之論為非異議之徒懼其軋已籍以求勝事竟不
行先生時已得罪遺書汝愚云云及先宗祔廟遂
復為九世十二室蓋自昌陵祔廟踰二百年而後
正太祖東向之位別達一殿以奉祧主于大殿之
西隅歲命禮官薦獻焉今謂四祖殿者是也文獻
○宋子議狀畧曰今詳詳議其說雖多而揆以禮
經皆有可疑如曰藏於太廟之西夾則古者唯有
子孫祧主上藏於祖考夾室之法而無祖考祧主
下藏于子孫夾室之文今既祧僖祖而以太祖祭
初室則夾室者太祖之夾室子孫坐正殿而以太祖

殿居其祖考於禮安乎此不可之一也至於祫享
又欲設幄於夾室之前而別祭焉則既不可謂之
合食而僖祖神坐正當太祖神坐之背四祖則不
此又不可之二也如曰別立一廟以奉四祖則不
唯喪事即遠有毀無立而所立之廟必在偏位其
棟宇儀物亦必不能如太廟之盛是乃名尊祖而
實卑之又當祫之時群廟之主祫于太廟而四祖
之主祫于別廟亦不可謂之合食此又不可之三
也議者特以其心急欲尊奉太祖三年一祫時暫
東向之故而為此紛紛殊不知其實無益於太祖
之尊而徒使僖祖太祖兩廟威靈常若相爭於冥
冥之中而并使四祖之神疑於受擯仿徨躑躅不
知所歸令人傷痛不能自己也況僖祖祧遷於治
平而不過數年神宗復奉以為始祖已得禮之正
所謂有其舉之而莫敢廢者乎天○周人雖以
后稷為太祖而祭法亦曰祖文王而宗武王故文
武自為世室而百世不遷亦不待東向於祫然後
可以致崇極之意矣然今日宗廟之制未能如古
姑以權宜論之則莫若以僖祖擬周之右稷而祭
於太廟之初室順祖為昭翼祖為穆宣祖為昭而祭

藏其祧主於西夾室太祖為穆擬周之文王為祖
而祭於太廟之第二室太宗為昭擬周之武王為
宗而祭於太廟之第三室太祖太宗又皆百世不
遷而謂之世室真宗為穆其祧主亦且權藏於西
夾室仁宗為昭為宗而祭於第四室亦為世室英
宗為穆藏主如真宗之制神宗為昭祭第五室哲
宗為穆祭第六室徽宗為昭祭第七室欽宗為穆
祭第八室高宗為昭祭第九室孝宗為穆祭第十
室異時高宗亦當為世室如太宗仁宗之制三歲
祫享則僖祖東向如故而自順祖以下至于孝宗
皆合食焉則於心安而於禮順矣至於古者宗廟
之制今雖未及議尚期異時興復還返舊都則述
神宗之志而一新之以正千載之繆成一王之法
使昭穆有序而合享之禮行於室中又善之大者
也大金○小貼子按禮家先儒之說兄弟傳國者
以其嘗為君臣便同父子各為一世而天子七廟
宗者不在數中此為禮之正法若今日見行廟制
則兄弟相繼者共為一世而太廟增為九世宗者
又在數中皆禮之末失也故熹狀中所擬太廟世
數一準先儒之說固知未必可用若議者乃用今

制而反不詳考自僖祖以及孝宗方及十世太祖
太宗為第三世尚在四昭四穆之中今日祧遷只
合依孝宗初年遷翼祖例且遷宣祖然後為得乃
不察此而欲一朝無故并遷僖宣二祖又強折太
祖太宗各為一世既與哲徽欽高之例不同又使
太廟所祀其實僅及八世進不及今之九退不成
古之七九為無據熹既為此議續得元祐大儒程
頤之說云或以僖祖無功業當祧然今日天下基
本出於此人安得為無功業故朝廷立僖祖廟為
得禮介甫所見終是高於世俗之儒熹竊詳願之
議論素與安石不同至論此事則深取之云云足
以見義理人心之所同固有不可約而合者今議者
見司馬光韓維之徒皆是六賢其議偶不出此而
王安石以變亂穿鑿得罪於公議故欲堅守二賢
之說并安石所當取者而盡廢之今以程頤之說
考之則可見議論之公而百世不決之是非可坐
判矣天全○**宋**與趙丞相書向來祧廟之議上
意已自開納而丞相持之不下便將太廟毀折臺
諫所言亦未敢深以熹說為非但云未見本意欲
乞降出而丞相又不降出以此而觀其罪不在接

陳而丞相實任之也夫紂始祖之尊置之別廟不
 使與於合食之列又并遷二祖止祀八世熹固已
 議之矣而亦未敢盡其詞也今太上聖壽無疆方
 享天下之養而於太廟遽虛一世畧無諱忌此何
 禮也丞相以宗文八輔王室而無故輕納鄙人之
 妄議毀撤祖宗之廟以快其私其可不詳亦甚矣欲
 望神靈垂休永國祚於無窮其可得乎言及於此
 令人痛心疾首不如無生丞相其亦念之熹自此
 不敢復通記府之問矣（大金）趙丞相既不取荆
 公之說又不曾講究毀廟之禮當時除拆已甚不
 應議禮可笑（語類）○問本朝廟制韓維請遷僖祖
 孫固欲立別廟何如宋子曰韓說固未是孫欲立
 別廟如姜嫄則姜嫄是婦人尤無義理陳君舉亦
 引閔宮為故事先生曰閔宮詩今人都說錯耳（語類）
 類○又曰見韓持國廟議都不成文字元祐諸賢
 文字大章如此如何當得王介甫所以當時只被
 介甫出便揮動一世更無人敢當其鋒者介甫廟
 議只數句便說盡移動不得是甚麼樣精神文字
 （語類）○**韓文公**希稭議（唐之先涼武昭王馬延謨祖
 興聖皇帝禹生欽欽生重耳重耳生熙追謚獻祖

宣皇帝熙生天錫追謚懿祖光皇帝天錫生虎追
謚太祖景皇帝虎生昺追謚代祖元皇帝即高祖
之父○武德始立四廟宣簡公懿王景皇帝元皇
帝開元中詔宣皇帝為獻祖元皇帝為懿祖臣今
輒先舉眾議之非然後申明其說一日獻懿廟主
宜永藏之夾室正元七年裴郁議以太祖百世不
遷獻懿二祖親盡廟遷而居東非是詔下百官議
李榮等議獻懿二祖宜藏夾室臣以為不可夫裕
者合也毀廟之主皆當合食於太祖獻懿二祖即
毀廟主也今雖藏於夾室至禘祫之時豈得不食
於太廟乎名曰合祭而二祖不得祭焉不可謂合
矣二曰獻懿廟主宜毀之瘞之李榮等又言漢罷
郡國廟章玄成議大上皇孝惠親盡宜毀太上主
宜瘞于園惠主遷高廟太上在太祖前主宜瘞于
園不及禘祫獻懿比也惠遷高廟在太祖後而及
禘祫世祖比也臣又以為不可按禮毀廟之主皆
藏於祧廟雖百世不毀祫則陳於太廟而饗焉自
魏晉以降始有毀瘞之議事非經據不可施行今
國家德厚流光初立九廟開元十年增為九室以
周制推之獻懿二祖猶在壇墠之位况於毀瘞而

不禘禘乎三曰獻懿廟主宜各遷於其陵所裴樞
議曰達石室于寢園以藏主至禘禘則祭之臣又
以為不可二祖之祭於京師列於太廟也二百年
矣今一朝遷之豈惟人聽疑惑抑恐二祖之靈眷
顧聖廟而不即饗於下國也四曰獻懿廟主宜祔於
紹等五十八人中臣又以為不可傳曰祭如在景
皇帝雖太祖其於屬乃獻懿之子孫也今欲正其
子東向之位廢其父之大祭固不可為典矣五曰
獻懿二祖宜別立廟於京師柳冕等議獻懿猶周
之先公請等別廟以居之臣又以為不可夫禮有
所降情有所殺是故去廟為桃去桃為壇去壇為
壇去壇為鬼漸而之遠其祭益稀晉者魯立煬宮
春秋非之以為不當取已毀之廟已藏之主而復
築宮以祭今之所議正與此同又雖違禮立廟至
於禘禘也合食則禘無其所廢祭則於義不通此
五說者皆不可故臣博采前聞求其折中以為殷
祖玄王周祖后稷太祖之上皆自為帝又其代數
已遠不復祭之故太祖得正東向之位子孫從昭
穆之列禮所稱者盖以紀一時之宜非傳於後世

之法也傳曰子雖齊聖不先父食蓋言子為父屈也景皇雖太祖也其於獻懿則子孫也當禘祫之時獻祖宜居東向之位景皇宜從昭穆之列祖以孫尊孫以祖屈求之神道豈遠人情又常祭甚衆合祭甚寡則是太祖所屈之祭至少所伸之祭至多此於伸孫之尊廢祖之祭不亦順乎韓昌黎集

○宋

子曰

韓公禮學精深蓋諸儒所不及深得孝

子慈孫

報本反始之本意可謂萬世之通法不但

可施於一時也程子以為不可漫觀者其謂此類也歟

補家語

孔子曰應為太祖者則其廟不毀不及太

祖雖在禘郊其廟則毀矣

記

曰聖人設為宗祧以別親疎遠近

宋子曰

僖祖自不當祧高宗時未嘗祧壽皇

時未嘗祧

太上時亦未嘗祧今豈可祧大金

禘祫

禘也祫者大合祭於祖廟也禘者諦其德

而差優劣也

大傳

禮不王不禘王者禘其祖之所自出以其祖配

之諸侯及其太祖大夫士有大事省於其君子祫及

其高祖

通鑑曰王者既立始祖之廟而推始祖所自出之帝祀之於始祖之廟而以始祖配之也

王制

天子犴特

禘祫禘祫嘗祫烝

祫合也其禮有二時祭之祫則群廟

之主皆升而合食於太祖之廟而毀廟之主不與三年大祫則毀廟之主亦與焉天子之禮春禘則特祭

者各於其廟也禘嘗烝皆合食○曰特禘者春物全未成止一時祭而已於此時不祫也夏物

初成則於此時而祫秋物大成冬諸侯禘則不禘禘物畢成皆可祫故祫禘祫嘗祫烝

則不嘗嘗則不烝烝則不禘

南方諸侯春祭畢則夏

侯夏祭畢而秋來朝故闕禘祭西方諸侯夏祭畢而秋來朝故闕嘗祭四方皆然諸侯禘祫禘一犴一祫嘗祫烝

拾言夏祭之禘今歲植則來歲拾拾之明年又植不
為夏殷之制然禘王者之大祭也○陳氏曰此章先儒以
之名何歟豈周更時祭之名而後禘專為大祭歟又
周官制度云先王制禮必象天道故月祭象月時享
象時三年之禘五年之禘象閏又云王制之言拾非
制也

祭法七代之所更立者禘郊祖宗其餘不變也唐虞三代

加顓頊帝
嚳為七代

喪服傳諸侯及其太祖天子及其始祖之所自出註

祖始封之君始祖者感神靈而生若縷契
也自由也及始祖之所由出謂祭天也

韓文公禘禘議已見上○程子禘說一條

已見上明堂下○朱子禘禘議已見上宗廟下○

程子曰禘王者之大祭禘諸侯之會祭遺書○

伯子曰天子曰禘諸侯曰禘皆合祭之義禘以

所出之帝為東向之尊其餘合食於其前是為禘也諸侯無所出之帝只於太廟群主合食是為祫魯所以有禘者只為得用天子禮樂故於春秋之中不見言祫只言禘言大事者即是祫言大事於太廟躋僖公即是合食僖公二公之義若時祭二有即字當言有事吉禘於莊公只是禘祭言吉者以其行之太早也遺書○**叔子**曰諸侯每年於四祭中三祭合食於祖廟惟春則偏祭諸廟也遺書○**張子**曰禮不王不禘則知諸侯歲闋一祭為不禘明矣周以祠為春以禴為夏宗廟歲六享則二享四祭為六矣諸侯不禘其四享歟夏商諸侯夏時一祫王制為祫則不禘禘則不嘗假其名以見時祀之數爾作記者不知文之害意過矣正蒙○又曰享嘗云者享為進享禘亦其一爾嘗以配享亦對舉秋冬而言也夏商以禘為時祭知進享之必在夏也然則夏商天子歲乃五享禘列四祭并祫而五也周改禘為禴則天子享六諸侯不禘又歲闋一祭則亦四而已矣王制所謂天子植祫祫禘祫嘗祫祭既以禘為時祭則祫可同時而樂祫侯祫殖如天子禘一植一祫言於夏禘之時正

一祭特一祫而已然則不王不禘又著見於此矣
下又云嘗祫祫則嘗祫且祫無疑矣若周制亦
當闕一時之祭則當云諸侯祠則不禘禘則不嘗
正蒙一朱子曰王制牲禘祫祫禘祫禘祫禘祫祫禘
理會不知漢儒何處得此說來禮家之說大抵自
相矛盾不知禘之義恐只趙伯循之說為是○又曰
祫祭既不見男女異廟之文今以人情推之且不
若男從東方女從西方而太祖居南面男附其祖
婦附其姑雖一人數娶猶不妨東方虛其位以應
西方之數其次世則復對西方之配也理窟○問
祫祭考妣位朱子曰太祖東向則昭穆之南北向
者當以西為上則昭之位次高祖西而妣東祖西
而妣東是祖母與孫并列於體為順若余正父之
說則欲高祖東而妣西則是祖與孫婦并列於體
為不順彼據漢儀中高祖南向呂后少西不復取
證於經文語類○禘只祭始祖及始祖所自出之
帝祫乃合羣廟皆在當以趙匡之說為正語類○
又曰程先生說禘并群廟之主皆祭之此說恐不
然故論語集解中止取趙伯循之說語類○又曰
禘是於始祖廟推所自出之帝設震位以祀之而

以始祖配周禘帝嚳以后稷配之一大禘曷嚳東向
稷南向語類○又曰吳斗南說禮不王不禘王如
來王之王四夷之君世見中國一世王者立則彼
一番來朝故王者行禘禮以接之彼本國之君一
世繼立則亦一番來朝故歸國則亦行禘禮此說
亦有理所謂吉禘于莊公者亦此類非五年之禘
也語類○又曰諸侯有四時之祫畢竟祭有不及
處方如此如春秋有事於太廟太廟便是群禘之
主皆在其
中語類

補祭法有虞氏禘黃帝而郊嚳祖顓頊而宗堯夏

后氏亦禘黃帝而郊鯀祖顓頊而宗禹殷人禘嚳
而郊冥祖契而宗湯周人禘嚳而郊稷祖文王而
宗武王

春秋杜氏曰三年喪畢致新死者之主於廟廟
之遠主當遷入祧曰是大祭以審昭穆謂之禘

○禮亦自易理會至祭其始祖已自大段濶遠絕祭
盡感格之道今又推始祖所自出而祭之苟
非察理之精微盡誠之極至安能與於此
追王 附上祀先公

大傳牧之野武王之大事也既事而退柴於上帝祈
於社設奠於牧室遂率天下諸侯執豆籩駿奔走追
王大王亶父王季歷文王昌不以卑臨尊也

中庸周公成文武之德追王太王王季上祀先公以

天子之禮

又推大王王季之意以及於無窮也

朱子

曰追

王蓋推文武之意以及乎王迹之所起也語類

○問考金縢大傳殷武王時已追王曰武王時恐且是呼嚶作王至周公制作方行其事如今奉上冊寶之類然無可證姑闕之可也語類

曰周禮祀先王以袞冕祀先公鷩冕此乃不敢以天子之服加先公故降一等直卿云恐不是祭以大夫之義先生曰祭自用天子禮只服畧降耳語類○又曰鷩冕祀先公但鷩冕旒王與諸侯不同天子之旒十二玉蓋雖與諸侯同是七旒但天子七旒十二玉諸侯七旒七玉耳語類但補問古無追王之禮至周之武王周公以王業肇於大王王季文王故追王三王至於組紃以上則止祀以先公之禮所謂葬以士祭以大夫之義也曰然語類

三后并配

晉武帝追尊鄭太妃簡文之母元帝後宮為簡文皇太后○宋仁宗乾興元年附莊穆皇后于真宗明道二年莊獻皇后劉氏輔政莊懿皇后李宸妃帝生母奉安于奉慈廟元豐六年陞附太廟○朱子曰僖公成風與東晉鄭太后一也皆所以著妾母之義別制廟以祀之至本朝真宗既崩始以三后并配蓋自錢惟演倭仁祖當時羣臣亦嘗爭之為其初見也後來遂以為常此禮於是乎紊矣語

類○又曰唐人配廟只一后餘后立別廟蓋古者天子諸侯不再娶故次后與正后有名分若人家則再娶亦妻也故可同祭伊川祭儀祭繼室於別廟恐未穩語類

補宋子曰三后并配自本朝真廟始其初議者皆以歸咎於錢惟演後既習見為常亦無復有議之者矣古人雖以子貴然庶母無係於先君之禮如左傳書僖公成風晉書簡文太后皆以於其子而別制廟以祀之語類

先代帝王陵寢附祭曰國之主

天子諸侯祭曰國之在其地而無主後者

宋太祖詔先代帝王陵寢宜令所屬州府遣近戶守視其冢墓有隳毀者亦加修葺○程叔子曰先代陵寢不多有開田推其後每處只消與田十頃與一閑官世守之至如唐狄仁傑安鼎卿之後朝廷與官一人死則却絕不若亦如此處之亦與田五七頃遺書○關元禮有司享先代帝王○宋子

曰如太公封於齊祭鸚鵡氏季荊逢伯陵蒲姑氏之屬蓋他先主此國禮合祭他○又曰若不是因國也感他不得蓋為他元是這國之主自家今主他國土他無主後合是自家祭他便可感通（語類）

補武帝因巡朔方

還祭黃帝於喬山

追廢先后附還復廢后

先武告祠高祖以呂氏王諸呂賊三王幾危社稷不宜配食上薄太后尊號曰高皇后配食地祇還

呂太后廟于園四時上祭○**朱子**曰呂后稱制與武氏革命事體不同先武追廢自其私意不得為

中理也○**宋哲宗**廢皇后孟氏哲宗崩徽宗即位

太后同政復孟氏為元祐皇后未幾再廢孟氏徽

宗即位太后聽政有旨復孟后位號時有論其不

可者曰上於元祐后叔嫂也叔無復嫂之禮伊川

謂邵伯溫曰元祐后之賢固也論者之言亦未為

無理伯溫曰子甚宜其妻父母不悅出子不宜其

妻父母曰是善事我子行夫婦之禮太后於哲廟

母也於孟后姑也母之命姑之命何為不可非上

以叔復嫂也先生喜曰子之言得之矣（外書）

補郭后妬美人尚氏誤傷仁宗頰閻文應勸上

廢之孔道輔曰父母不和可以諫止奈何順父

出母范仲淹曰光武失德何足法乎（宋名臣錄）

○哲宗悔廢孟后曰
章惇壞我名節（宋鑑）

宗法

大傳君有合族之道族人不得以其戚戚君位也

張子

曰天子建國諸侯建宗亦天理也譬之於木

其上下擬立者本也若是旁枝大段茂盛則本自

是須低摧宗之相承固理也及旁枝昌大則須是

却為宗主如伯邑考不聞有罪只為武王之聖顯

伯邑考不足以承大王之緒故須立武王所以然

者與其使祖先享卿大夫之祭不若享人君之禮

（理窟）○或問此事朱子曰所謂可與立未可與權

此事最要權輕重若是聖賢便處得須是見他嫡

長真是不賢庶真賢方得如他人見不到不如且

守嫡長之說（或曰若嫡長不賢便只得付之命先）

生曰是○今宗室中多帶皇兄皇叔皇伯等冠於
官職之上非古者不得戚君之意本朝王定國嘗
言之欲令稱某王孫或曾孫如越王派下則當云
越王幾世孫如此則族屬易識且無戚君之嫌亦
自好後來定國得罪反以此論為離間骨肉今宗
室散無統紀語類○又曰宗子只得立嫡雖庶長
立不得若無嫡子則亦立庶子所謂世子之同母
弟世子是嫡若世子死則立世子之親弟亦是次
適也是庶子不得立也○又曰宗室給俸一年多
一年駸駸四五十一年後何以當之事極必有變如
漢法惟天子之子裂地而王嫡者一人繼王庶子
則皆封侯惟嫡子繼侯而諸子則皆無封故數世
之後皆與庶人無異
補朱子曰本朝哲廟上公哲廟弟有申王次端
王次簡王乃哲廟親弟當時章惇欲立簡王是
時向石猶在乃曰老身無子諸王皆云當以
次立申王目眇不足以視天下乃立端王是為
徽宗章惇殊不知禮意同母弟便須皆是適子
方可言既皆庶子安得不依次弟今臣庶家要
立宗也難只是宗室與襲封孔氏柴氏當立宗

今孔氏世襲封只是兄弟繼只如而今時
節更做事不得奈何奈何如伊川當時要勿封
孔氏要將朝廷所賜田五百頃一處給作一奉
聖鄉而呂原明便以為不可不知如何漢世諸
王無子國除不是都無子只是無適子便除其
國不知是何如恐只是漢世不奈諸侯王何幸
因他如此便
除了國語類

天子之禮

天子曰天子之禮至尊無上其居處則內有六寢
六宮外有三朝五門其嬪御侍衛飲食衣服貨賄
之間皆領於冢宰其冕弁車旗宗祝巫史卜筮瞽
侑之官皆領於宗伯有師以道之教訓有傳以傳
其德義有保以保其身體有師氏以微詔之有保
氏以諫其惡前有契後有承左有輔右有弼在與
有族賁之規位有官師之典倚几有訓誥之諫
今師所誦之諫書之於几也居寢有瞽御之箴臨
事有瞽史之道無居有工師之誦史為書誥為詩
又誦箴諫大夫規誨士傳言庶人謗商旅于市

旅陳也陳其貨物以示時所貴尚百工獻藝獻其
技藝以喻政事動則左史書之言則右史書之御
警幾聲之上下（幾猶察其樂）不幸而至於有過則
又有爭臣七人面列廷爭以匡救之何謂六寢六
宮曰王大寢一小寢五大寢聽政向明而治故在
前小寢釋服燕食也故在後其小寢一寢在中四
寢在於四角春居東北夏居東南秋居西南冬居
西北土王之月居中后之六宮正宮在前五宮在
後其制如王之五寢何謂三朝五門曰王宮之外
門一曰臯門二曰雉門三曰庫門四曰應門五曰
路門（又曰庑門）又曰畢門此鄭司農說也康成以
雉門在庫門外而設兩觀其朝在雉門之外者曰
外朝在路門之外者曰治朝路寢之廷曰內朝（臯
門之內外朝也朝士掌其法小司寇掌其政列三
槐與九棘設嘉石與肺石而朝諸侯聽詔詢大事
在焉應門之內治朝也司士正其位宰夫掌其法
大儀正王之位而王日視朝在焉路門之內燕朝
也太儀正其位掌擯相族人朝焉玉藻曰朝服以
視朝退適路寢聽政然則王日視朝於治朝而退
聽政於燕朝矣雉門之外懸治象所以待民應門

之外設宗廟社稷所以嚴神位路門之外則九室
九卿朝焉路寢之內亦九室九嬪居焉外朝之法
朝士掌之左九棘孤卿大夫位焉羣士在其後右
九棘公侯伯子男位焉羣吏在其後面三槐三公
位焉州長衆庶在其後左嘉石平罷民焉右肺石
達窮民焉何謂貨賄曰有九府以受其貨賄之入
關市之賦以待稍秣家稍之賦以待匪頒邦甸之賦
郊之賦以待稍秣家稍之賦以待匪頒邦甸之賦
以待工事邦縣之賦以待喪紀幣餘之賦以待賜予
宗祀山澤之賦以待喪紀幣餘之賦以待賜予九邦
國之貢以待吊用凡萬民之貢以充府庫凡式貢
之餘財以共玩好之用而金玉玩好王府掌之良
兵良器內府掌之王后世子
衣服之用則外府掌之（大全）

補天子動靜以禮
則星辰順序（綱目）

尊誦

尊誦之典唐昭載於禮官宋每大祀羣臣表請上
尊誦（宋史）陸贄奏尊誦之興本非古制行於安

泰之日已累冲謙襲乎喪亂之時尤傷事體綱目
神宗元年宰臣請加尊號司馬公奏尊號起唐
武后中宗之世遂為故事先帝辟尊號不受天下
莫不頌稱聖德其後倭臣建言國家與契丹常有
往來書彼有尊號而中國獨無足為深恥於是復
上尊號論者甚為朝廷惜之今陛下又在諒陰之
中考之事體似未宜受神宗納之遂不允羣臣之
請語類**朱子**曰當時溫公密撰不允詔書勸上
不受神宗便不受這只是神宗自見得若
不自見得雖溫公也要如此不得語類
補朱子曰尊號始於唐德宗後來只管循襲若
不是人主自理會得如何說語類**朱子**
尊號詔云強我懿號不若使我為有道
之君加我虛尊不若處我於無過之地

聖節國忌

唐明皇以誕日宴百僚百僚上表請每年八月五
日為千秋節改千秋為天長節一日千章○誕節
之制起於明皇令天下宴集休暇二日肅宗亦然
代德順三宗皆不置節名及文宗以後始置節如

初○
嘗曰只怕國忌聖節就祝壽處四拜張忠甫不出仕
相似曰說國家循襲這般禮數都曉不得往往拜
佛之事始於梁武帝以私忌設齋怡思量聖節要
寓臣子之意又未有箇所在奉安語類○國忌禱
于相國寺伊川令供素饌子瞻詰之曰正叔不好
佛胡為食素伊川曰禮居喪不飲酒食肉忌日喪
之餘也子瞻令具肉食曰為劉氏者左袒於是范
淳父輩食素秦黃輩食肉（外書）○
膳註云舊例行香齋造兩制以上及臺諫官破蔬
饌然以麤糲遂輪為食會皆用肉食矣元祐初伊
川以肉食為非是議為素食衆多不從一日門人
范淳夫當排食遂具蔬饌子瞻曰以鄙語戲伊川
伊川門人朱公掾輩銜之遂立敵矣是後蔬饌亦
不行（大全）

補唐德宗即位之初詔曰七月六日是朕載誕
之辰其日百僚命婦宜於光順門進名參賀朕
於門內與百僚相見明日又勅賀儀宜停宰臣
以古無誕降受賀之禮奏罷之○
觀今日瑞慶節前一日宰執百僚拜表稱賀竊

念壽皇梓宮在殯陛下追慕方新乃以此時講
行賀禮心實未安望速令免表亦不收接上廣
孝治垂法
萬世（大全）

世子誕生

補國君世子生告于君接以大牢宰掌具三

日卜士負之吉者宿齋朝服寢門外詩負之射人
以桑弧蓬矢六射天地四方保受乃負之宰醴負
子賜之束帛卜士之妻大夫之妾使食嗣子○世
子生則君沐浴朝服夫人亦如之皆立于阼階西
鄉世婦抱子升自西階君名之乃降

曾子問

曰君薨而世子生如之何孔子曰卿大夫

士從攝主北面於西階南大祝裨皮冕執束帛升
自西階盡等不升堂命毋無哭○祝聲三告曰某
之子生敢告升奠幣于殯東几上哭降衆主人卿
大夫士房中皆哭不踊盡一哀反位遂朝奠小宰
升舉幣某夫人之氏也○又問曰如已葬而世子生則如
之何孔子曰大宰大宗從大祝而告于禘三月乃
名于禘以名徧告及社稷宗廟山川

春秋

子同生

國之主器莫重於嫡嗣故古者嫡子
生必以禮舉之所以正國本係人望

而絕覲觐
之心也

天子車服

補周禮王之五路一曰玉路錫樊纓金路鈎樊纓

象路朱樊纓革路龍勒條纓木路前樊鵠纓王后

之五路重翟錫面朱總厭翟勒面績總安車彫面

鷩總皆有容蓋翟車具面組總有握輦車組輓有

翟羽蓋○天子玉路圖同王路一曰天子五路飾異制

路為大金路一曰先路言於象路為先象路次

金路革路次象路故同謂之次路木路最後纓於

次路之末故曰綴路方其以多為貴則玉路樊纓

十有再就金路九就象路七就革路五就木路三

就周官不言三就以其上而推之方其以少為貴

則大路繁纓一就先路三就次路五就次路七就

綴路九就禮記不言九就以其上而推之就成也

樊及纓皆以五采刺飾之○王后之五路

一曰重翟重翟雉之羽也二曰厭翟厭言壓也王

於重翟故謂之厭翟三曰安車鄭氏謂安車坐乘

車四曰翟車正言以翟歸車而已其蔽無羽飾也
五曰輦車輦車以人輓之蓋王后服褱衣則乘重
翟服揄狄則乘厭翟服闕狄則乘安車服鞠衣展
衣則乘翟車服祿衣則乘輦車輦車以人輓蓋宮
中之車也

大戴禮王乘車則聞鸞和之聲是以非僻之心無

自入也在衡為鸞在軾為和馬行而鸞鳴鸞鳴而

和應其聲曰和和則敬此御之節

馬氏曰造車之法軫方而象地蓋圓而象天輪
輻以象日月蓋弓以象星圓者中規方者中矩
立者中縣衡者中水玉路以象德之義金路以
象義之和象路以象義之辨革路以象義之制
木路以象仁之質凡欲入君俯仰而觀之則思
合天地之德周旋而視之則思合日月星辰之
明出入不踰於規矩權衡言動不離於道
德仁義此所謂器以莊禮禮以出信者也

朝廷之儀

周禮夏官司士正朝儀之位辨其貴賤之等王南鄉

三公北面東上孤東面北上卿大夫西面北上王族
故士虎士在路門之右南面東上大僕大右大僕從
者在路門之左南面西上司士擯孤卿特揖大夫以
其等旅揖士旁三揖王還揖門左揖門右大僕前王
入內朝皆退

古者朝會君臣皆立於門屏之間門屏者乃
門間簷牆也今殿門亦設之公卿以下設位於連
中故謂之三槐九棘者連中有樹處公卿位當其
下也語類○又曰師氏居虎門司正朝虎門路寢
門也正義謂路寢連朝庫門外朝非常朝云云或
問庫門外朝如何不是常朝曰路寢庭在門之裡

議政事則在此朝庫門外是國有大事詢及衆庶
則在此處非每日常朝之所若每日常朝王但立
於寢門外與群臣相揖而已（語類）○又曰古時隔
品則拜謂如八品見六品六品見四品則拜宰相
禮絕百僚則皆拜之若尊得此等舊例亦好（語類）
○或問今人見宰相欲有所言未及出口已為客
將按註云相公尊重至有要取覆而客將抗聲云
不得取覆者先生曰若是有此等無奈何須叱之
可也（語類）○又曰舊時主上每日不御正殿然自
升朝官以上凡在京者皆着去立候宰相奏事罷
却來押班拜兩拜方了後來韓魏公不知如何偶
然忘了不及押班便歸第御史王陶即彈之其後
此禮遂廢（語類）○又曰舊時朝見皆是先引見問
門問門方引從殿下舞蹈後方得上殿而今都省
了問朝見舞蹈之禮曰不知起於何時元魏末年
方見設耶舞然或是夷狄之風（語類）○又曰叔孫
通繇蒞之儀至於群臣震恐比之三代燕享
氣象大不同只是秦人尊君卑臣之法（語類）
補

周禮

宰夫掌治朝之法以正王及三公六卿大

夫群吏之位○朝士掌外朝之法

朱曰論朝禮云如周禮所說古之朝禮君臣皆立至漢時所謂皇帝見丞相起尚有此禮不知後來如何廢了然所謂朝不坐又也有坐底（語類）

冊命

洛誥

王命作冊逸祝冊云云

晉孫

曰今封建諸王裂土樹蕃為冊告廟篆書

竹冊執冊以祝詔藏於廟及封王之日又以冊告

所封之王冊文不同前以言告廟祝文當竹冊篆書以為告廟冊冊之文即祝辭也○內史掌策命

諸侯及群臣者卿大夫既獻賢能之書王拜受登于天府其副本則內司掌之以內司掌策命諸侯

及群臣也（語類）○又曰冊命之禮始於漢武封三王後遂不廢古自有此禮至武帝始復之耳郊祀

宗廟太子皆有玉冊皇后用金冊（記不審）宰相貴妃皆用竹冊凡宰相宣麻非是宣與宰相乃是揚

告王庭令百官聽聞首則稱道之後乃警戒之此
禮唐以來皆用之至本朝宰相不敢當遂具辭免
三辭然後許之只命書麻詞于誥以賜之
便當冊文不復宣麻于庭失古意矣語類
補國朝之制外而三公三少內而皇后太子貴
妃皆有冊但三公而下嬪妃而下皆聽其辭免
惟皇后太子
用冊語類

巡守

問舜之巡守一年中遍四岳否曰一年遍巡矣書
註○又曰巡守亦非舜創立此制蓋亦循襲將來
故黃帝記亦云披山
通道未嘗寧居書註

補周官曰六年五服一朝又六年王乃時巡考制

度于四岳諸侯各朝于方岳大明黜陟

曾子問孔子曰天子巡守以遷廟主行載于齋車

言必有尊也今也取七廟之主以行則失之矣

王制天子五年一巡守歲二月東巡守至于岱宗

柴而望祀山川觀諸侯問百年者就見而命太師

陳詩以觀民風命市納賈以觀民之所好惡志淫

好辟

覲禮

周禮執冒以朝諸侯鄭注王名以冒以德冒覆天下也諸侯始受命天子賜以圭圭

頭斜銳其冒下斜刻小大長短廣狹如之諸侯來朝天子以刻處冒其圭頭有不同者卞其偽也○

大宗伯以賓禮親邦國春見曰朝夏見曰宗秋見曰

覲冬見曰遇時見曰會殷見曰同時聘曰問殷頌曰

視○覲禮天子不下堂而見諸侯

曲禮天子當依而立諸侯北面而見天子曰覲依狀如屏

風以絳為質高八尺東西當戶牖之間綉為斧文亦曰斧依天子見諸侯則依而立負而南面以對諸侯

覲是正君臣之禮較嚴天子當扆而立不下堂朝是講賓主之儀天子當宁而立路寢門之外相

與揖讓而入語類○又曰覲禮諸侯行禮畢出乃右肉袒于廟門之東王曰伯父無事歸寧乃邦然

後再拜稽首出自屏此所謂懷諸侯則天下畏之語類○又曰天子常服皮弁推諸侯來朝見於廟

中服冕服月鬱鬯之酒灌神語類○公執桓圭侯執信圭伯執躬圭子執綬璧男執蒲璧以合符於

天子驗其信否書註

補周禮大行人掌大賓之禮及大客之儀以觀諸

侯春朝諸侯而圖天下之事秋覲以比邦國之功

夏宗以陳天下之謨冬遇以協諸侯之慮時會以
發四方之禁殷同以施天下之政時聘以結諸侯
之好殷頌以除邦國之隱問問以諭諸侯之志○
小行人掌邦國賓客之禮籍以待四方之使者今
諸侯春入貢秋獻功王親受之各以其國之籍禮
之凡諸侯入王則送身于畿及郊勞胝館將幣為
承而擯凡朝覲宗遇會同君之禮也存頌省聘問
臣子之禮也

經

鮮曰朝覲之禮所以明君臣之義也

擯相之禮

問賓不顧矣曰古者賓退主人送出門外設兩拜
賓更不顧而去國君於列國之卿大夫亦如此語
類○又問擯用命數之半如上公九命則擯者五
人以次傳命曰古者擯介之儀甚煩如九命擯五
人介則如命數是九人賓主相見自賓以下列兩
行行末相近如主人說一句主人之擯傳許多擯
者說又交過末介傳中介直
至賓之上介方聞之賓（語類）

聘享之禮 附主

周禮

大宗伯以饗燕之禮親四方之賓客

雜記

賁大行曰圭公九寸侯伯七寸子男五寸博三

寸厚半寸剡上左右各半寸玉也藻三采六等

典瑞凡賓客之事共其玉器

註王冠謂四圭裸圭之屬

問聘享之禮曰正行聘禮畢而後行享禮聘是以
命圭通信少間仍舊退還命圭享是獻其圭璧琮

璜非命圭也皮幣與馬之類皆拜跪以獻退而又
 以物獻其夫人凡三四次方畢所獻之物皆受但
 少間別有物回之又問庭實曰皮幣與馬皆陳之
 於庭實私覲既以君命行聘享之禮畢却行私禮
 參見他國之君也語類○問聘禮所言君行一臣
 行二之義曰君行步濶而遲臣行步狹而疾故君
 行一步而臣行二步蓋不敢同君之行而踐其跡
 也○問私覲見於聘禮孔子行之而記禮者以為
 非禮何也曰胡氏以為若聘禮所記孔子所行正
 也當時大夫僭於邦君於是乎有庭實旅百如享
 禮然此說然也

補
郊特牲 大夫執圭而使所以申信也

家禮源流續錄卷之二終







